



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3528/A/2





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3528/A/2



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3528/A/2





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3528/A/2

3528⁽²⁾
A

N. VII. j
16

KÄRTZENMACHER (Petrus)






49871
M.C. 134 / Kaerpen-
Rechimia. Wie

man alle farben/wasser/olea/
salia/vnnd alumina/damit man alle
corpora/spiritus vnd calces prepariert/
sublimiert vnd fixiert/machen soll. Vnd wie
man dise ding nütze / auff das Soll vnnd Luna
werden mög. Auch vom soluiern/vnd schaydung
aller Metall/Polierung aller hand Edelgestayn/
fürtrefflichen wassern zum etzen / schayden vnnd
soluiern / Vnnd zu lest wie die giftige
dämpff züuerhüten / ein für-
ger begriff. 1546.






Petrus Kärzenmacher / et /
wan Burger zu Meng / ein Berümt
pter Alchimist / wünscht dem
Leser alles gutes.


Die Kunst kompt von Gott
vnd ist bey im on ende / Dise rays
let er auß nach seinem wolgefalle
len allen denen / die es an in begern. Nun
begeren die Menschen nur was inen an
nüglichsten ist / Derhalben suchen sie selb
stam Kunst / nur vmb nutz willen / vnd
nit Gottes eer darbey zü betrachten / Das
rumb gerathen etlich Künste den Leuten
gar selten / vnd bringen sich selbst vmb vil
kostens. Vnder disen Künsten ist die best
Alchimia / wie Parogines / Hermes /
Rasis vnd Albertus Magnus zeügend /
Sie ist die höchst ob allen / dann wer die
haben vnd finden mag / der vberwindt
alle ding / aber sehr verborzen ist sie / dan
die allte Mayster / wölche dise Kunst fund
den / haben sie nit wöllen / bre Kind / noch
A H Jre

ire freünd leren / Darumb selig ist der sie
findt / dieweyl sie nicht bald zefinden ist /
Doch vberwindt groß arbait alle ding /
mit stätigkayt vnd fleysß sucht man rechte
künst / vnd werden auch funden. Da-
rumb muß man in diser künst von erstem
wissen die matery / damit die künst vol-
bracht wirt / dan mancher betrogen / das
er solchs nit gewüßt / Darumb will ich zu
ersten leren die ding / so zu der künst gehö-
ren / beraytē / als Cynober / Lasur / Span
grün / Pleyweiß / Atrament / Alaun / Ga-
litzenstein / Weinstain / Thurian / Gal-
mey / Sperment / Arsenicum / Sulphur /
Sal armoniac / Salpeter / Sal alkali /
Sal preparatum / Sal borax / vnd die
siben Metalla / Sol aurum / Luna ar-
gentum / Mercurius argentum viuum /
Mars ferrum / Iuppiter stagnum / Sa-
turnus plumbum / Venus cuprum.
Noch ist mer sach zu diser künst gehörig /
die werde ich basß hernach lernen. Nun
solt du wissen / das inn den dingen / die ich
yezund genant hab / die Mayster etliche
hayssen

hayssen Corpora/ vnd etliche Spiritus.
Corpora seind die ding/wann man sie in
das feur legt/das sie von dem feur nit
springen/noch fliehen/als gold vnd silber
auch ander gschmeyd das im feur bleibt.
Spiritus seind die ding/wölche inn dem
feur nit bleyben mögen/als Sulphur/
Mercurius/sal armoniac/vnd arseni-
cum. Wer nun die Kunst recht will wiss-
sen/der muß die Spiritus machen/das
sie Corpora werdend/vnd bey eynander
ewigklich im feur bleybend/on alles
abnemen/Wie aber das geschehen
mag/will ich hernach ordenlich
leren/nach anzaygung des
volgenden Regis-
ters.

A ij










A V

Balneus Mariae




Signe des faulen Hayngens.



Schayd Ofena



Balneum Marie.



Register diß Buchs.

A lle artz flüssig machen.	lv
Acrament machen.	vj. xlviii
Alaun calcionieren.	vj. vii
Aquam fortem.	v
Aquam causticam machen.	vi
Aquam Mercurij machen.	i.
Aquila wasser machen	xiii
Alle Metall schayden.	lv
Alle spiritus fixiern.	xix (bringe. xxvj
Alle spiritus wider inn jr erste materi zū	
Borax. ix.	Blaich gold serben. lv.
Calcē Lune prepariern ad calcē Solis.	
Calcinier öfen zūmachen.	v. (xxi.
Crocū Martis. xiiij.	Cinober. j. iij
Ducaten gold vom Postularz guldē.	lv
Eyerschalē calciniern.	iiij. Elixier. xlix
Ein starck wasser dz eyßen schmelzt.	lvj
Gold von Kupffer schayden.	liij
Gold von verguldtem Kupffer schaidē.	lv
Kolm verborgne kunst vom gold mas	
Jouern calciniern.	xxiiij. (chen. l.
Lac virginis wasser zūmachen.	xiiij

Lunam mache.	xx.	xxviij.	xxvi.	xxviiij.
Lasur.	j.	ij.	iii.	
Martern calciniern.	xx.	xxvi.		
Mercurium congelieren vnd härten.		viij.		
Mercurium sublimieren.		xxviij.		
Oleum tartari.	xx.	Oleum benedictum.	xxvi.	
Oleum sulphuris.		xxvi.		
Petroleum.	xx.	Pleyweyß.	iiij.	
Polierung aller hand edelgestein.		lvj.		
Sal commune.	viij.	Sal armoniac.	viij.	
Sal alkali.	viij.	Salpeter.	x.	
Saturnum calciniern.		xxviiij.		
Spangrün.		iiij.	iiij.	
Semper ardens wasser.		xxviij.		
Solem calciniern.	xx.	xxvi.		
Sulphur purgieren vnd sublimieren.		xxviij.		
Solem machen.	xxviij.	xxvviij.	xxviij.	
Sol von Luna schayden.		liij.		
Sayffen gold.	liij.	Sylber soluiern.	liij.	
Sylber von schwebel bringen.		lv.		
De Sole bono.		xxvvi.		
Ad augmentationem Solis.		xxvviij.		
Thutian calciniern.		vi.		
Venerem calcionieren.		xxviij.		

Vnder wölchen Planeten güt oder böß
im feur wercken. lv

Wasser das alle metall durchschmelzt in
einer stund. lvij

Wasser sal alkali. viij.

Weinstein calciniern. v.

Wie man alle metall hämern soll. xxxi.

Wie man ein drittägig feur mache. xxx

Wie man sich hüten soll vor den giftigen
bösen dämpffen der metall. lvij

Ende des Registers.

Anflegung etlicher Latey- nischer wörter.

Sol/ gold. Luna/ sylber. Mercurius/ Quecksil-
ber. Mars/ eyser. Iuppiter/ zyn. Saturnus/
pley. Venus/ kupffer. Alumen/ alaun. Sulphur
schwefel. Aqua/ wasser. Ignis/ feur. Acetum/
essig. Antimonium/ spießglaß. Calx/ puluer.
Calciniern/ zu puluer mache. Coagulieren/ schmey-
dig machen. Corpus/ ein yedes metall oder matery.
Soluiern/ zertreyben/ zerschayden. Preparieren/
berayten. Purgieren/ raynigen. Reducieren/ wider-
bringen.

Rechter Gebrauch der Alchi/
mei/ mit vil bißher verborgnen/ nutz
baren vnd lustigen künsten/ nit allein den für
wizigen Alchimisten/ sonnder allen kunstba
ren Werckleuten/ auch sunst aller
meniglichen in vil weg
zūgebrauchen.

Cap. i. Wie man Zynober machen sollt.

So du wilt Cynober machen/ nimb
schwebel ein thayl/ stoß ihn Elayn/
vnd leg ihn inn eynenn cygel auff
Eolen das ehr wol zergang/ so nimb dann zwai
thail Mercurij/ schüt in in den schwebel/ vnd
rür es durcheinander biß der Mercurius ver
schwinde/ so laß es erkalten/ vnd thū es in ein
glas oder verglasten hafenn/ verstreych den
wol mit luto sapiētie/ vñ laß dz loch obē offen
darnach setz es in furnum sublimationis/ oder
auff einen drißfuß in Eoln/ mach zum ersten ein
Elains feur darunder/ vnd leg ein plech vber dz
loch/ vnd wart vnderweilen zū plech/ vñ wann
das plech nimmer feucht ist/ so vermache das

B

Don rechtem brauch der Alchimet.

loch mit luto/ vnd mach ein groß feur das
runder auff zwü höhe/ biß sich der Mercurius
mit mer wege im gläß/ so mach aber ein grossz
feur biß das der rauch außzgeht/ zum ersten
gelf/ darnach blaw/ zü letst rot/ dann laß das
gläß erkalten/ vnd thü es auff/ so hast du schö
nen Cinober.

Wie man Lasur machen soll. Cap. 2.

Wilt du schön Lasur machen/ so nymb
ein tail salarmoniac/ zwey tail sulphur
album/ vnd drey thail Mercurij/ das misch
durcheinander/ als ich yetzund gelernt hab/
vnd brenne das auch also inn allen sachen biß
du blawen rauch sihest/ dann laß das gläß er
kalten/ so findestu schönen lasur.

Lasur zümachen. Cap. 3.

Wilt du fein lasur machen/ so nimb la
surstain/ der innwendig guldin odder
silbern tufflin hab/ leg ihn inn ein feur das
er glüig werd/ vnd laß in dann erkalten/ helt
er dann die farb so ist er güt/ Darnach zerichla
be in gar klain mit einem praitten hamer inn
ein ledern sack/ darnach mal in in einer senff
mühl/ vnd reys in auff eym malerstein alls
ein mele/ Darnach nim ein lot dāspech/ das
lautter

lautter sey/vnnd ein quinten böcken vnflat/
ein quint loröl/ein quint mastix/den stoß zu
puluer/vnnd thū die ersten drey materien inn
einen verglasten tigel/vnd setz ihn auff kolen
laß die materien wol fließen/vnd wann sie zer-
flossen seind/so thū den mastix darein/vnnd
rüre es durcheinander/darnach thū den lasur
darein/vnd rüre es alls gar wol durcheinan-
der biß es als ein ding wirt/vnd dz der vorge-
schriben materi des haissen posch als vil oder
mer sey dan des lasurs/Darnach thū es von
feror/vnd geüß daran ein laugen vonn rābā-
schen oder von waidaschen/vnnd rüre es vast
durcheinander mit einem hertē holz/dz sinbel
sey als ein möserstämpffel/vñ wann blau was-
ser auß dē posch fließt/so geüß dasselbig was-
ser in einen schönen verglasten tigel/vñ wann
das wasser tuncplet wirt/dz geüß in einen an-
dern tigel/vñ darnach aber in einen tigel/vnd
geüß jeder farb lang vnderweilē an den posch
vnd zu letzen wen nimer recht blau darauß
fließt/das geüß dann in einen besondern ty-
gel/das thū als lang biß nimer farb darauß
fließenn will/darnach laß dye farb wol zu
bodenn fallenn/vnd geüß dye lang syt-
tigelych herab/vnd gewiß eyn lauttere
B u warme

Von rechtem bruch der Alchimel.

warms wasser daran/rür es durcheinander je
den eigel besonder/vñ laß es aber wolgefallen/
thû das wasser darab/vñ setze es darnach auf
Folen/ laß es glühen/ darnach laß sie erkalten/
vnd geuß aber lauter wasser daran/ vñ laß
sy fallen als vor/vñ laß sy darnach tracten an
der Sonnen/ so hastu gut sein laßur.

Ein ander künstl Lofur zûmachen. Cap. 4.

N Im maß offig nimb vorn dem besten
den du gehalten magst/ vorn Kaysfal
der ist der best/ oder von mitt/ im die maß leg
ein vierdung gestoffens salis armoeniaci/ dar
nach nimbe ein gläßlin vol des offichs/ vnd leg
darein Kochsilber als vil du wilt/ vnd laße es
ein tag vnd nacht darinn liegen. Darnach laß
dir machen plach vorn feinem silber so vil du
wilt/ vnd laße sie wol gerben vñ purgiren/
vñ bestreuch odder bequich die plach gar
wol mitt dem Kochsilber/ Darnach geuß den
offich allen in ein zichen seßlin/ vñ beuich
die plach vber den offich/ das die zwen finger
ob dem offich hangen/ Darnach vermach das
faß gar wol oben/ das kein dunst darvon
möß kommen/ vñ grabe es in eymen milt/
oder in einen fäller/ vñ laße es also stehen
drey

Das erst Buch.

3

drey wochen/ Darnach lüg darzü/ vnnd den
schymmel der an dem plech ist worden/ den
schabe herab mit ainem messer/ bhalt es schon
vnd thū den plechen als vor in aller weyß/ das
thū als lang biß die plech verderbend/ so hencf
andere vber als vor/ Vnd wenn du das genüg
hast gemacht/ so thū es inn ainen verglasten
tigel/ vnd setz es auff kolen biß es glüend wirt/
dann laß es erkalten/ Darnach wäsche es mit
lauterem wasser/ vnd laß es wol gefallen/ geiß
das wasser ab/ vnd laß es trucken an der Son
nen/ so hast du die aller beste fein Lasur.

Ein ander kunst Lasur zūmachen. Cap. 5.

Nimb ain lot sal armoniac/ stoß das zū
puluer/ vnd nim zway lot schwobels/ zer
stoß den zū puluer/ vnnd zerlaß den inn ainen
verglasten tigel ob kolen/ Vnd wann es zer
gangen ist/ so thū das sal darein/ vnd drey lot
koch silber/ vnnd rüre es gar wol mit ainem
holz durch ainander/ vnd laß es erkalten/ dar
nach stoß es zū puluer / vnnd thū es inn ain
glas/ oder in ainen verglasten hafen/ vnd bes
streich in allenthalben zwayer finger dick mit
luto sapientie/ vnnd laß das loch oben offen/

B ij vnd

Von rechtem brauch der Alchimeys

Vnd laß es trucken/ so setz es auff ainen dufuß
vnd mach ain klain feur darunder/ zum ersten
von Eolen/ vñ leg ain plech oben auff das loch
vnd wart auch vnterweylen zum plech/ wann
das plech vnden nymer feucht ist/ so vermach
das loch mit luto sapientie/ vñnd mache ain
größer feur darunder auff ain höhe/ vnd dar-
nach ye länger ye größer / biß du von erst gel-
ben rauch/ vnd darnach blawen sihest/ so laß
erfalten/ vnd thū das wasser auff/ so hast du
schönen lasur am boden.

Cynober zūmachen. Cap. 6.

Cynober magst du machen in al' er weyß
Als ich yezund gelert hab von der lasur/
dann das du sal armoniac nit darzū bedarffst
darin/ vnd wann du rothen rauch darvon si-
hest riechen/ so hat es genüg.

Spangrün zūmachen. Cap. 7.

Spangrün das zū der kunst güt ist/ das
solt du also machen/ Nimb gefeyhelten
messing oder kupffer/ vñnd harn/ der alie sey/
thū darcin in wenig sal armoniac/ vnd mach
ben gefeyhelten messing damit feucht/ leg ihn
damit in die sonnen auff ein schön Brett/ vnd
wenn er trucken würdt / so spreng des harn
oben darauff/ so lang biß der messing oben
grün

Das erst Büch:



grün werde/ dan behalt es/ wann darauff ma-
chet man crocum Martis / wie ich hernach
besser werd lernen.

Ein ander lehr von Spangrün. Cap. 8.

Rupffer plech nimß / vnnnd purgiere die
schön/darnach nim̃ atrament/die treyß
mit harñ auff ainem stain/vnd bestreych die
plech damit allenthalben/ lasse sie dann tru-
cken an der Sonnen/darnach leg sie inn ainem
verglasten hasen/ vnd setz in kolen / vnnnd laß
sie wol erhitzen auff zwö höhe / vnderweylen
thū den hasen oben auf/ Vnd wenn du schwar-
zen rauch siehest/ so laß es erkalten/ vnnnd thū
den hasen auff/nim̃ plech herauß/ vnd zu pul-
uer sie mit den händen/vnnnd wölchs sich nie
will lassen puluern / dem thū als inn allen sa-
chen/ biß es zu puluer wirdt/ Darnach wasch
es mit warmem wasser oder mit harñ in ay-
nem becken/vnd laß es darnach gar gefallen/
so felle das kupffer zu boden/vnnnd das atra-
ment fließt empor / das geiß ab / vnnnd laß
das kupffer trucken an der Sonnen/darnach
nimß des selben puluers ein pfunde / vnnnd
vier pfunde weinstain der da calcioniert sey/
als hernach gschriben vnd gemeldet wirt/ die
zway reybe mit eynander mit Kindes harñ/

B üß vnd

Von rechtem brauch der Alchimey:

Vnd laß es trucken / darnach leg es inn den ersten hasen / vnnnd brenne es als vor mit ainem grossen fiewer / biß du grünen rauch siehest / darnach laß es erkalten / vnd thû den hasen auff / so hast du schön grün / darauß wirdt vil gûts dings / wie hernach volgt.

Ein ander lehr von Spangrün. Cap. 9.

Rvpfferplech bestreyche mit honigsam / vnnnd saltz mit bräntem saltz / darnach hencf sie vber essig / vnnnd laß sie vnder ainem mistt zwu wochen / vnnnd thû inn allen sachen als ich vor gelert hab von der Lasur.

Wie man Pleyweyß mache. Cap. 10.

Pleyweyß magst du auch also machen / dann das du die pleyen plech vnbestrichen vber den essich hencfest. Ich möchte wol mehr vonn farben leren / so ist sein zu der kunst mit noch / darumb will ich es lassen faren biß hynnach.

So ich von den farben hab gelert / will ich weyter anzaigen / wie man alle corpora calcionieren soll / Vnd will zum ersten die ofen leren machen.

Von

Von den öfen. Cap. 11.

Dem/ Wer calcioniern will/ der muß zu
 Ersten wissen/ wie die öfen sollen sein.
 Man bedarff dreyerlay öfen zu der kunst/ Zu
 ersten Furnum calcionationis/ furnum Phi-
 losophi oder per se flantis/ Darnach furnum
 sublimationis/ oder distillationis/ die zway
 seind gleych. Zum ersten will ich machen
 furnum calcionationis/ darinn man alle cor-
 pora calcioniern soll.

Von dem calcionier öfen. Cap. 12.

Furnum calcionationis solt du also ma-
 chen/ Mache ain grube inn die erden/
 zwayer schüch tieff/ darnach mawre vber die
 erden ainer elen hoch/ vnd mach den öfen in-
 wendig zwayer oder dreyer span weyt/ vnn-
 vnden auff der erden zway oder drey löcher/
 daß der windt darein mög blasen/ vnn-
 das man auch die ässchen darauff mög nemen/
 vnd mach der elen hoch ain eyssen gätter/ das
 als weyt sey/ daß du dein finger dardurch mö-
 gest schieben/ Darnach mawr aber ainer elen
 hoch/ vnn- mache clayne löchlin durch die
 mawr/ fewrloch/ vnn- mache ainen starcken
 dryßfuß inn den öfen/ darauff du den hafen se-
 B v Bste

Von rechtem brauch der Alchimey.

Best darinnen du calcionieren wilt/als du her
nach wol innen wirst/vnd wisse das du in ai
nem glassofen recht wol calcionieren magst/
oder inn ainem rechten Kalchofen.

Vom ofen sublimationis. Cap. 13.

S Vrum sublimationis oder distillatio
nis solt also machen/Mach ainen ofen
der ainer halben ellen hoch sey/vnd mach ai
nen hasen der in den ofen hang / also das aye
ner spannen hoch noch vnder dem hasen sey
Bis an den grunde / da solt du ain klain loch
machen/da du die kolen hinein mögest thun/
vnd der ofen soll vnden klayne löchle haben/
das die asch darauff mög fallen/vn der hasen
im ofen soll vol beutleter aschen sein/vnd das
rein solt du dein glass setzen/darin du sublimie
ren oder distillieren wilt/solt zum ersten eyn
klain feur machen von kolen/bis das glass er
warme/vn darnach ain groß/ als ich hernach
lernen werd.

Wie man weinstein calcionieren soll. Cap. 14.

Von will ich leren wie man calcionieren
soll/vnd will an dem weinstein anhebē.
Weinstein solt du also calcionieren. **Umb**
weyne

weynstain von weyssem wein / vnnnd wässche
den mit warmem wasser / vnd laß in trucknen
darnach thû in in ein new hâselin / der bey ay-
nen vierthayl seind / vnnnd fülle die hâsen fast
mit weynstain / deck sie oben wol / vnnnd setz sie
in furnum calcionationis / vnd lasse sie brennen /
biß das kein rauch davon mer riech / Darnach
laß es erkalten / vnd stoß den weinstain zû pul-
uer / vnd leg in inn ander hâselin / vnd verma-
che die hâsen obē wol mit luto sapientie / dar-
nach setz es in furnum calcionationis drey tag
vnd nacht / oder lenger / vnnnd brenne sie mit
grossen sewr / biß der weynstain als weyß wer-
de als saltz / so behalte in an einer warmen truck-
nen statt / darauff wirdt vil gûts dings / als
ich hernach werd leren..

Vom besten Atrament. Cap. 15.

Atrament das innen rodt dūpflin hat /
ist das best / das stoß zû puluer / vnd leg
es inn ainen hâsen / vermache in allenthalben
wol mit luto sapientie / vnd laß in furno cal-
cionationis brennen drey tag vnd nacht / biß es
rodt wirt / so hat es sein gnüg / Also magst du
calcioniern spangrün vō gefeyheltem messing
als

Von rechtem brauch der Alchimey.

als vor gelert ist im sibenden Capitel/ biß es
rodt wirt/dann halt es/wann darauß macht
man crocum Martis.

Wie man ayerschaln calcioniern soll. Cap. 16.

Ayerschalen nim/ vnd wassche sie in ay-
nem chalt guß/ laß sie darnach erücken
vnd zersch die häutlin innen darauß/ vnd leg
die schalen in ainen grossen hasen/ setz den inn
Eolen/ vnd Bränn biß sie zu puluer werden/
vnd rüre sie durch einander ain gut weyl/ dar-
nach thū sie inn Elayne häselin/ vnd thū inn
aller sach/ wie ich vor gelert hab vom wein-
stein/ vnd laß sie brännen biß sie freyden weiß
werden/ so ist es genüg.

Wie man Thucian soll calcioniern. Cap. 17.

Thucian nimß der rodt oder gehl sey/ der
ist der best/ den leg inn ainen tigel/ vnd
setz ihn inn hayß Eolen/ laß in wol glüen/ dar-
nach lesch ihn mit guttem essich/ das thū also
neün stund/ darnach reibe ihn Elain als mehl
auff ainem stain/ vnd behalt in.

Wie man Alaun calcioniern soll. Cap. 18.

Nimb

Nimb alain vnd stoß in clayn/vnd legs
in einen neuen hafen halber voll/ vnn
vermach in oben wol/ vnn setz in in furnum
calcinationis einen halben tag/ vnd laß ihn
brennen biß er wirt als baumwolle. Galizen
stein solt du auch also calciniern.

Tun will ich leren wasser vnd olea machē/
damit man alle corpora/spiritus vnn calces
prebarieren/sublimieren/distillieren vnn fi
xieren soll/ Diereil nun das on salia vnd ala
mina nit geschehē mag/so will ich die salia zu
ersten leren machen.

Wie man sal commune soll machen. Cap. 19.

SAl commune solt du also preparieren/
Nimb des weissen saltz/ vnn geiß daran
altenn harn/ der ein tag vnn nacht anffle
bendigen kolen gestandenn sey/ allso das des
viermal als vil sey/alls des kalcs/ vnn rüre
ihn durcheinander vj. stund zum tag/ laß ihn
fallenn vber nacht/ darnach seyhe den harn
durch ein filz/ vnn thū das als inn eyn ver
pleyte pfannen/ vnn rüre es wol durcheinan
der biß es als wasser werd/ darnach syed es
ob den kolen biß es hert werde/ darnach stoß
es zu puluer vnn ehg es inn zwö odder drey
ochffen

Von rechtem brauch der Alchimei.

ochsenblasen/ bind sie oben zu/ vnd hencf sie
in ein warmes wasser in eine Kessel/ vnd laß da
rin biß das saltz zu wasser werd/ so schüt es inn
ein verbleyte pfannen/ vnd laß es sieden biß es
wider zu saltz werd/ so thû es wider in die pla-
sen wie vor biß es wasser werd/ vnd schüt es
inn die pfannen/ vnd laß es sieden als vor/ daz
thû ir. stund/ zum letzten mal las es breiñe biß
es glüig wirt/ dan laß es erkalten/ so ist es sal
preparatum oder sal vrine.

Vom sal armoniac. Cap. 20.

Sal armoniacum solt du also preparieren/
Nimb r. pfund vom sale preparato/ weye
ich jetzt gelert/ vnd geiß daran warmen harn
von wein vnnnd gesunden menschen/ laß das
saltz im harn zergehn/ laß gefallen/ vnd geiß
es durch einen filz in ein Kessel/ vnnnd lege dar-
zu r. pfunde rüß/ der vnnnder den tächern inn
den baur heusern hencft/ vñ laß es wol durch
einander sieden/ wenn das saltz trucken wirt/
so geiß mer harn daran/ dz thû alls lang biß
rr. maß harn an den zweingig pfunden saltz
einsiedenn/ vnnnd wart auch das der Kessel nit
obergeh wann er walle/ vnnnd wenn der harn
aber verseydet/ so geiß lauter wasser darann/
vnd

Vñ rür es durcheinander biß es alls ein wasser
wirt/so laß es gefallen/vnnd geiß das lauter
wasser dauonn / das seud aber alls lanng
biß es trucken wirt/vnd wenn es dick wirt/so
nim es herauß/vnd thū es in ein neuen hafen
oder in ein mültren/vnd laß es an der sonnen
oder in einem bachofen truckenn. Darnach
soltu also sublimierenn/Nimb sein x.pfunde
vnd x.pfunde gefeyeltes eisen/oder gütten flug
sinter/vnnd reib die zway gar wol durch ein-
ander/vnnd leg sie in ein vas/welchs hayßze
rotunda/vnnd vermache wol mit luto/vnnd
setze es inn furnum sublimationis odder auff
einen drifuß/mach ein starck feur darunder
einen tag biß das vas glüend werd/so laß es
erkalten/biß morgen thū es auff/so findest du
oben an dem vas weiß saltz/das nym herab
vnd nimb darzu als vil sal commune prepa-
ratum/wie ich drobenn geleret hab/vnnd sal
gemme/vnnd reiß die zway miteinander tru-
cken/vnnd lege es inn ein vas sublimationis/
vnd sublimiers einen halben summer langenn
tag mit senfftem feur/laß es erkalten/vnnd
reib es ander wayd/vnnd sublimiers wie vor/
das thūnn drey stund/vnnd behalde
es/wann darauß wyrdt vyl edler saltz/
wie

Von rechtem brauch der Alchimet
wie ich hernach werd lernen.

Wie man sal alkali soll machen. Cap. xxi

Sal alkali soltu also machenn/ Nim waide
äschen vnd lebendigen kalc gleich/ vnd
leg sie in drey hütte also/ vnd hencf die hütte
vberinander/ also/ was auß einem hütte rinn/
das solchs in den andern fließ/ dann geiß heiß
wasser/ oder harm inn den öbristen hüt/ vnd
setz einen verglasten hafenn darunder/ vnd
geiß die laugen als offte durch die hütte/ bis
das kein bittern mer inn den äschen sey/ so laß
die laugen stehn vber nacht/ vnd seind sie zu
morgen inn einem verglasten hafenn bis das
wasser verschwinde vnd herde wirdt/ laß
erkalten/ so findest du einen stayn/ der haisset
alkali/ den mach zu puluer/ vnd lege ihn inn
einen neuen hafenn halber vol/ deck ihn mit
zu/ vnd setz in furnum calcinationis/ mach
zum ersten ein klains feur bis es erwall/ dar
nach mit ein grossen feur bis es fletißt wey
bley/ so gyesse es dann schnell in einen anderen
hafenn/ vnd laß in erkalten/ so ist es sal alkali/
das behalt in eynem glasse/ bis ich mer darvon
leere.

Wie

Wie man sal borax soll machen. Cap. zz.

SAl borax solt du also machenn/ Nymß weynstayn des calcionierten/ wie ich vor im riij. Cap. gelernet hab/ den stoß zu puluer/ darnach geiß daran warm wasser/ vnnnd laß es zergehn/ vnnnd rür es durcheinander mitt einem holz/ darnach geiß ehs durch eynenn leynen sack/ vnnnd thū jm wie ich vor hab gelert/ vnd dicweyl das wasser vom ersten trüb ist/ so solt du es so lang durch den sack gießen biß es wider lauter wirdt/ das solt du so lang thūn/ biß die bittere alle auß den fecibus kommen/ auch das die feces nicht mer in die zungen beiffenn/ Darnach nimß sal commune/ vnd gieße daran wasser/ vnd lasse es zergehn/ vnd geiß desselben wassers halb als vil alls zu dē ersten wasser von dem weinstayn/ vnnnd geiß sie mit einander in ein eyfne pfannen/ vñ seud sie biß es dick werd/ so geiß ehs inn eyn hasen/ vnd seud es biß hert wirt/ vnd wissz dz du den hasen je vnderweilen solt umbkerenn/ vnnnd wann der hasen zerkleiben will/ so laßz es erkalten/ nimß es herauß so hast du sal borax Philosophorum/ das ist als güt alls rechte borax/ vnnnd ist nutz zu andern sachen/ alls ich hernach werd lern.

C Eyn

Von rechtem brauch der Alchimel.

Ein ander kunst Borax zū machen. Cap. 23.

Stem nim weinstain / der nit calcionierte
sei ein pfund / vnd zerstoß den wol zū pul
uer in einem mörser / vnd reib in durch ein sib /
vnd thū in inn ein kupfferin pfannen / vnd leg
darzū das sechs thail sal commune preparas
tum / vnd seud das mit einander einen halben
tag biß es zū wasser werde / zehen stund als vil
des saltz ist gewesen / das laß erkaltenn / vnd
geuß es in ein becken / vnd wann du das was
ser drein hast gossen / so leg einen filtz oben auff
das wasser / der hinden dreier finger breit sey /
vnd fornen spizig da es herauß fließen soll / so
fließt daruon lauter wasser / das behalt / vnd
die heffen schüt hin / vnd das wasser seude als
vor / biß es dick vnd hert werde / vnd laß es kal
ten / so ist es güt borax zū allen sachen.

Vom Goldschmid Borax. Cap. 24.

Borax den die goldschmid nutzen / mach
also / Nimb amidi ein tayl / mastix eyn
tail / vnd euphorbi zwey thail / mach das
als zū puluer / vnd seud es darnach inn milch
biß dick werd / darnach thū es inn ein fewel
glas / vnd grab es inn ein mist / vnd laß ihn
das

Das erst Buch.

darinn stehn vier wochen oder lenger / so wirt
es güt borax.

Item nim̃ bealgar / vnd mach das zu pul-
uer / vnñd setze es darnach in aqua caustica /
biß es dick wirt / darnach calciniere in furno
calcinationis ein tag vnd nacht / Wie du a-
quam causticam solst machenn / das leer im̃
xxviij. Cap.

Wie man Salpeter soll machen. Cap. 25.

Salpeter mach also / Nim̃ des weissen schim-
mels der an den alten mauren wechset inn
den källern / vnd geuß daran ain warmes was-
ser / vnd laß es darinn zergeen / seyhe es darnach
durch ainen filz in ainen verglasten eigel / vñ
leg ainen filz darauff / wie ich vor gelert hab
von dem borax / vnñd was im eigel hart wirt
als die cristallen / das ist güt salpeter. Item
nim̃ lebendigen kalch / vñ geuß daran warm
wasser / rür es wol durcheinander all tag vier
stund / vnñd das thū also vñ tag / darnach laß
es wol gefallen / vnñd seyhe es durch ein filz /
thū dem wasser als ich yetzunde hab gelert /
oder setz es an die Sonnen / oder werme biß dz
wasser verschwindt / so ist es salpeter.

Item sal nitri vnd sal gemme dz kan man
C ij nie

Von rechtem brauch der Alchimet
nit machen/sonder man muß es kauffen inn
der apoteccken/vnd sal nitri/oder glaßgallen/
findest du bey den glaßbrennern.

Von den wassern.Cap.z6.

A Vch will ich die wasser leren machen/
vnd am sterckesten anheben/das haist
aqua fortis/vnd soltes also machen. Nimb
ein pfunde Salpeter/ Saligenstein ein halb
pfunde/sal armoniac ein vierding/alaun eyn
vierding/das zerstoß alles inn ein mörser zu
Einem puluer/vnd thues in ein alembicum
vermache es an den saltzen gar wol mit luto/
das nicht darauff geriechen mög/so setz es inn
furnum distillationis inn äschenn wie droben
im xij.Cap.gelert/ vnd mach zum ersten eyn
klein feur darunder von kolen die nit riechen/
vnnnd wann das glaß erwarmet/so mache
das feur ihelenger yhe grösser/biß das wasser
daruon fliesse/das empfahe inn eyn glaß roye
oben verzeichnet ist/so das wasser dick er wirt
vnd gelfarb fleißt/so sahe es inn ein annder
glaß besonder/vnnnd wenn es nicht mer flies-
sen will/so mach das feur grösser biß dz glaß
oben roet wirt/vnnnd wenn es nicht mer fließ-
sen wil/so laß dz glaß erkaltē/vñ so es erkaltet
ist

ist/thu es senfftiglich auff/vnnd geiß das erste wasser wider an die feces in das vas alembicum/vnd thu jm inn allen sachen/ als vor/ vnd sahe das erst wasser aber besonder/vnnd das hernach fließt/das sahe zu dem/dz zum andern mal gefangen hast/vnnd bräun es biß nicht mer fließen will/so thu es auff wie vor vnd geiß aber das lauter an die feces/laß es warm werden/darnach behalt das dick wasser in ain Wälschen gläß/das ain engen halß hab/vnd vermach es gar wol/das es nit verriech/vnnd biß daß du zu dem letzten mal das gläß solt lassen erkalten inn der ässchen vber nacht/vnd zu morgen nim es herauß/vnnd rüre die feces durch einander/vnnd schütte sie auß/Darnach wasch das alembicum mit ainer hayssen laugen. Das solt du allen gläsern thun/darinn du distillieren vnnd sublimieren wilt/daß du es vber nacht laßt erkalten inn der ässchen/oder es bricht.

Wie man aquam causticam soll machen. Cap. 27.

Aquam causticam solt du also machen/
 Ein ässchen von bonstail/vnd ässchen
 von weynreben/vnd ässchen von nusschalen/
 aller gleich ain pfund/vnd waydässchen drey
 C ij pfund

Don rechtem brauch der Alchimey.

pfund/lebendigs kalck's vierdthail pfund/vn
fischen vonn weyssen weynhassen anderthail
pfundt/das mach alles zu puluer/vnd send es
in xxxv. vierthail wasser/bis das fünfft vier
thail eingeseudet/vnd seyhe es durch ainen filz
zway mal/darnach nimß sal armoniac vnnd
spongrün/glaß gallen/vnnd alumen plumo
sum/yeglichs ein vierdung/ Nimß sulphur/
auripigmentum arsenicum albi realgar/ yeg
lichs zwey lot/das mach aber zu puluer/vnd
legs in dz vorgschriben wasser/vnd laß es wol
erwallen/vnnd seyhe es darnach also warm
durch ein zwilchen sack/bis das puluer gantz
lich durch den sack kompt/so behalt das was
ser in eym dickem glaß/ als ich vor hab gelert/
das wasser ist stercker dan alle wasser/dann es
tödtet Mercurium/ der in darein legt/vnnd
alle geschmeyd die darein komen/die werden
zu wasser/on feyn gold allein/das besteht da
rin/vnnd schaydet gold von silber/vnnd von
kupffer/als ich hernach werd leren.

Vnd wan du das wasser gar gut will ha
ben/so distilliers in einem alembico/als ich vor
hab gelert de aqua forti/vnnd laß es mit ai
nander außfließen/vnd wen es nit mehr flie
sen

sen will/so laß das glaß erkalten als vor/ vnd
das puluer das inn dem glaß ligt/ das behalt/
dann es ist gut/ das man Mercurium conge-
liert/ also/ Nim Mercuritum/ vnd thû in inn
ein tigel/ vnd laß in hayß werden/ biß er riech/
so würff das puluer darauff/ vnd rûrs durch
eynander/ biß er hârdt wirt/ so magst du her-
nach Lunam darauff machen/ als ich hernach
werd lernen.

Wie man Mercurium congelieren
vnd hârdten soll. Cap. 28.

N Im ander wasser zu den sachen/ Nim
sal armoniac/ sal nitri od Petri/ sal co-
mune preparatû vñ tartarum calcinatû/ als
ich vor glert hab/ vñ glaßgallen/ yegklichs ein
pfund/ das mach zu puluer/ darnach nim hon-
ig das fünff stund gefaymbt/ geleitert vñ ge-
sigen durch ein tûch/ vnd nim kinds harn bey
12. Jarñ/ zwey mal als vil als des honigs/ vñ
misch es alles durch einander/ thû es inn ein
fewl glaß in ein mist rû. tag/ darnach setz in
furnum sublimationis in âsschen einen tag od
mer/ biß es wol trucknet/ vñ dz glaß soll oben
offen sein wñ es trucknet/ darnach setz wider
in dē mist als vor/ dz thû vier stund/ so wirt dz
C ij wasser

Von rechtem brauch der Alchimey.

wasser dester besser. Mit dem wasser magst
du coagulieren vnnnd hárden Mercurium/ als
ich vorgelert hab/ Wenn du das wasser auff
den Mercurium thüst/ wenn er hayß ist/ so
wirt er hárte/ auß dem selben Mercurio magst
du machen Lunam/ als du hernach würdest
hören/ Ist aber cuprum purgiert ad Solem/
so magst du Solem darauff machen/ als ich
hernach werd lernen.

Wie man aquam Mercurij machen soll. Cap. 29.

Nach also aquam Mercurij/ Nim ain
vierdung Mercurij sublimati vnd fi-
xi/ als ich hernach leren will im 43. Cap. vnd
als vil galligen stein/ das reyß mit ainander
auff ainem stein/ darnach thü es in ainem leys-
nen sack/ darnach mach ain grüben inn ainem
roßmüß/ vnd setze ain glasz das weyt sey/ inn
die grüben/ vnd mach die grüben als weyt/ dz
das glasz nit vn sauber werd von dem müß/ vñ
mach zwo gablen vber das glasz/ vnd leg ain
holz in die gablen/ vnnnd hencfe den sack mit
dem Mercurio/ vnd mit dem Galligenstein/
vber das glasz/ deck dann ain dick leynen tüch
vber all/ vnnnd vermache es also/ das nicht dar-
rein möge fallen/ Leg dann darüber müß ge-
nüg

nüg/ vnd laß es also steen 3wo wochen/ biß dz
 der Mercurius durch den sack gpflossen sey als
 wasser/ Vnd ist das wasser nit weyß genüg/
 so reybe es anderwert mit dem Galligenstein/
 vnd thû ihm als vor/ das thû so lang biß das
 wasser weyß genüg wirdt/ das wasser behalt/
 dann es ist güt ad Lunam faciendam.

Vom wasser Aquila. Cap. 30.

Aqua salis armoniaci/ oder man hayße
 es Aquilam/ solt du also machen/ Nim
 sal armoniacum sublimatum/ wie ich im 21.
 Cap. gelert hab/ reyß das mit einander/ vnd
 thû ain wenig essich darzû/ das es flüssig wer-
 de/ vnd hencf es in mist vber ain glasz/ als ich
 vor de aqua Mercurij hab gelert/ Oder leg es
 auff ainen glatten stain/ vnd setz ihn inn ain
 feuchten Keller/ vnd reyß den stain ain wenig/
 setz ain glasz darunder mit ainem trächter/ so
 fließt das wasser darvon inn das glasz/ dar-
 nach seyhe es durch ainen filz/ vnd behalt es/
 das ist aqua salis armoniaci/ zû manchen sa-
 chen güt vnd nutz/ wie ich hernach werd ler-
 nen/ vnd wisse/ daß du also alle salia/ alumina
 vnd spiritus magst zû wasser machen/ als ich
 hernach daß werd leren/ Vnd wisse/ wann du

C v Das

Von rechtem brauch der Alchimey.

das wasser salis armoniaci/ aquam Mercurij
vnd lac virginis durch einander mischest/ vnd
Venerem purgatum oft darein legest/ so wirt
es weysß als Luna/ vnd wirdt darnach leycht
zu guttem Luna/ als ich hernach saß werde
lernen.

Wie man das wasser Lac virginis
soll machen. Cap. 31.

Aqua/ das da hayßt Lac virginis/ solt
du also machen/ Nim Litargirium/ dz
ist silberschaum/ zerstoß es zu puluer gar klein/
vnd leg es in ein pfannen mit guttem weyn-
essig/ scüd es mit ainem klainen feur/ darnach
leg einen weysßen filz in das wasser/ als ich vor
auch von dem borar im 24. Cap. gelert hab/
vnd w3 darauß rindt/ das geuß wider darein/
das thû so lang biß das wasser lauter wirdt/
vnd darnach nim glassgallen/ vnd mach pul-
uer darauß/ vnd beüttels durch ein sib/ vnd
thû im in allen sachen wie ich yetz hab gelert
vom Litargirio/ so wirt auch wasser darauß/
die zway wasser misch mit einander/ so wirdt
es weysß als milch/ vnd hayßt Lac virginis.

Vom wasser salis alkali. Cap. 32.

Aquam

M Quam salis alkali solt du also machen/
 Nim sal alkali/sal armoniacū/ vnd ayer
 kalck/ vnd reyb den mit güttem essig/ vnd thū
 jm in allen sache als ich vor glert hab/ de aqua
 armoniaca/ vnd aqua Mercurij.

Vom wasser crocus Martis. Cap. 33.

L Rocum Martis solt du also machen/
 Nim grünen galligenstein/ vñ stoß den
 zu puluer/ vnd leg jn in ein neuen hasen/ hal-
 ber vol/ vermach jn wol/ vnd bräue jn in aller
 maß als ich vor gelert hab vom alaun/ Vnd
 wenn es rodt wirt als menig/ so hat es sein ge-
 nüg. Darnach geiß gütten essig in ain alem-
 bicum/ vnd distillier jn in furno distillationis
 mit klaynem feror/ dz thū drey stund/ darnach
 geiß den selbigen in essig drey stund als vil an
 den rodten galligenstein/ vnd rür es alle tag
 3. stund nach einander mit einem eyßen/ das
 thū also sechs tag/ Darnach geiß alles in eyn
 alembicum/ vnd distilliers als ich yetzund ge-
 lert hab/ Vnd ist das wasser mit rodt gnüg/ so
 thū des vorgeschribnen puluers mehr darein/
 vnd rür es durch einander/ distillier es wie vor
 vnd behalt es/ das ist der best crocus Martis/
 dann er ist güt ad Solem faciendum/ als ich
 hymnach werd lernen.

Ein

Von rechtem brauch der Alchimey:


Ein ander lehr von croco Martis. Cap. 34.

Nim atramentum calcionatum vnd rubrificatum / oder deß gefeyelten Kupffers oder vonn den Kupffern plechen / die da rodt calcioniert sein worden / als ich vor gelert hab im 8. Capit. Der puluer nim aines / wölches du wilt / vnd ain pfunde / vnd ain vierdung salis armoniaci sublimati / die zway reybe gar klain auff ainem glatten stain / vnnnd laß es darnach fließen inn aller sacht / wie ich vor von sale armoniaco gelert hab / so ist es auch crocus Martis.

Vom wasser semper ardens. Cap. 35.

Semper ardens sollt du also machenn / Nim blüt von ainem rodten menschen der gesunde sey von 25. Jaren / vnd thū es in ain alembicum / vermach den alembicum gar wol / vnnnd laß das wasser danon distillieren / als ich vor oft gelert habe / Vnd wan es nimmer fließen will / so thū die feces darauß / vnd behalt sie / vnnnd das wasser halt auch besonder / Darnach nim desselbigen menschen mist / vnd thū in auch in den alembicum / vnnnd laß das wasser darvon distillieren / als ich yetzund gelert

gelert hab / vnd so das geschehen ist / so schütte
die feces von dem mist auß / vnd thū die feces
vom blūt wider in den Alembicum / genß die



wasser baide an die erstenn
feces / vnd laß die wasser a-
ber distillieren als vor / wenn
es nimmer fließen will / so be-
halt das wasser inn eynem
glas mit einem langē engen
halß / vnnnd vermache das
glas oben wol / das es nit

verriech / Das wasser ist güt zu manchen sa-
chen als ich hernach baß werd lernenn / vnnnd
das puluer das von den feces wirt / halt auch
besonder / das ist güt zu wunden . Vnd wenn
du wilt schaiden solem a cupro / darzu ist es
güt / als ich hernach werd lernenn . Vnnnd wiß
wenn du das wasser wilt distillieren / so solen
dich hüten vor dem rauch vnnnd geschmack /
wann es möchte dir grossen schaden bringen.
Das wasser ist auch güt wenn das parliß sch-
lecht / das er nit redenn mag / dem soll man
ein wenig des wassers auff die zungen gießen
vnd an den schlaff streichen.

Wie

Von rechtem brauch der Alchimei.

Wie man oleum Tartari machen soll. Cap. 36.

Oleum Tartari solt du also machenn/
Nim weinstain der weiß calciniert sey/
wie ich gelernet hab im 14. Capitel / den stoß
gar klein in einem mörser / vnd beuteln durch
ein klein sieb / darnach leg in auß ein glatte stain
laß in fließen in ein glas / wie ich vor gleret hab
de aqua salis armoniaci / vnd de croco Marti
tis / wann es als lang ins glas gerunnen ist / dar
nach seyhe es durch ein filtz so offte biß es lau
ter wirt als wein / so behalt es schon in einem
glas / darauß wirt gute sach / wie ich hernach
lernen werde.

Wie man Petrolium machen soll. Cap. 37.

Oleum laterum / oder man haist es pe
trolium / das solten also machen / Nym
ein neuen ziegel da kein wasser auff kömen
sey / den mach gar heiß / vñ trencke in wol / mit
nußöl biß er nit mer in sich ziehenn will / dar
nach stosse in klein zu stücklin / vñ thū in in ein
alembicū / laß das öl darnon distillieren / als
ich vor offte hab gelert / vnd wenn es nit mehr
distilliert / so solt du den ziegel auß thū / vñ
nimb einen andern der da new ist / mach den
heiß

haiß/vnd trenck in mit dem öl dz von dem ersten ziegel distilliert ist/vnd thū jm als vor/dz thū drey stund/so hast du oleū laternum/oder petroleū/dz ist güt wie ich hernach werd lernē

Vom oleo benedicto. Cap. 38.

Oleum benedictum machest du auch also/dann das du Baumöl nemen solt ahn des nussöls statt.

Wie man oleum sulphuris sol machen. Cap. 39.

Sulphur oleum mach also. Nimbeyn pfundt schwefels/den puluer gar wol vnd nim ein pfundt leinöl/ thū das inn einen verglasten tigel/seud es wol durcheinander biß entbor rotter schaumß darauff wirt/ darnach geiß gütten effig daran/so fleißt das oleum ober sich/dz saim gar wol vnd eben/vñ behalt es schon/darnach weich den schwefel wol mit dem effig/vnd seihe den effig von dem schwefel/vnd geiß aber ein newes öl daran/laß in sieden in allen sachen als vor/vnd es rot wirt als vor/so geiß aber effig draun/saim dz öle obē herab/vñ behalt es zu erstē dz thū als lāg biß d schwefel nit mer reucht auff glüenden kolen oder auff ein haissen plech/so weich

Von rechtem brauch der Alchimet.

so wesche ihn gar wol auß haissen wasser/ vñ
laß in trucknen/darnach thū ihn inn ein ley-
nenn dickenn sack/den binde zū/ also das der
schwebel inn dem sack sich wol gewegen mö-
ge/vñnd leg in dann inn einen gassen vier fin-
ger dick lebendig kalck/vñnd den sack mit dem
schwefel darauff/vñnd aber sonil kalck da-
rauff/darnach geuß daran gütten effich also
das er eyner spannen hoch ob dem kalck sey/
vñnd laß es sieden also einen tag/darnach nim
den schwebel auß dem sack/vñnd wesch in wol
auß mit warmem wasser/seyhe das wasser da-
von/vñnd laß es eintrucknen/so ist der schwe-
fel poliert vñnd prepariert/den behalt biß ich
dich mer darvon werde lernen.

So nimb das öle das du vor dem schwe-
fel gefaimbt hast eyn pfund/vñnd mach eyn
starcke langen vonn lebendigem kalck/vñnd
von waidaschen/der selben langen nim zwirn
also vil/das seind durcheyninander biß ehs
werde alls eynn sayff/das saym darab/thū
es inn ein fein glasz/vñnd laß es stehn xl.tag in
einem mist/darnach reyb es/thū ehs inn eyn
alembicum/vñnd laß ehs distillieren als ich
offt gelert hab/vñnd was inn dem alembico
bleybt/das ist oleum sulphuris fixum/ mit
dem

Das erst Buch.

dem oleo fixiert man alle die spiritus / alls ich
werd leren.

Wie man sulphur purgieren sol. Cap. 40.

N In ander kunst wie man sulphur soll
purgieren / nim den schwebel den du in
den krämen findest / den stoß gar klain / vnn
beütteln durch ein sib / darnach thū in inn ain
nen verglasten hasen / mit dreyen füßen / vnn
geiß von ersten daran gar güeten effich von
wein / vnd lasse in sieden gar stättiglichen ain
nen tag vnd ein nacht / vnd saim in jmer mer
mit ain hülzen löffel der klaine löchlin hab /
vnd wenn der effig ain tag vnn nach dar
gesotten sey / vnn gefaimbt / darnach seihe in
durch ein filz / in dem harm laß in auch zwen
tag vnd nacht sieden / vñ saim in als vor / das
thū so lang biß es nit mer schaum auff wirfft /
so wasche in auß warmē wasser / das thū also
lang biß das wasser lauter wirdt / darnach laß
in trucken an der sonn / so ist er wol purgiert.

Sulphur zu sublimieren. Cap. 41.

Sulphur solt du also sublimieren / Nim de
Sulphure purgato / als ich yezunde gelet
hab de oleo sulphuris / wölliches du wilt / des
nimbs ain halb pfund / vnn ain pfund alain

D

DAS

Von rechtem brauch der Alchimey

das calciniert sey / als ich vor hab gelert in dē
18. cap. vnd nim ein vierdung flugsinter der
wol gestossen sey / vnd durch ein siß gebeßelt /
die drey reyb durcheinander gar wol / vnd legs
in ein alembicum / das oben ein loch hab / vnd
auff das loch leg ein plechlin / vnnnd vermach
d3 sublimatorium wol an dēfaltz / d3 es nicht
aufriechen mög / vnd setze es auff furnum sub
limationis / wie ich vor gelert hab / mach ain
Elains feür darein / vnd wart vnderweylen zū
plech / vnd wenn das plech nicht mehr feuchte
ist / so vermach das loch mit luto sapientie / vñ
mach das feür ein wenig grösser / laß es also
stehn auff 6. vr / darnach thū es auff / vnd w3
obenn an dem hüt hanget / das streych herab
mit ein hasensfuß / vnd reyb es wider mit den
fecibus die vnden in dem alembico seynd / vnd
lege es wider ein / vnd sublimiers als vor / das
thū also drey stund / vnd zū dem dritten mal /
was du oben an dem hüte findest / das streych
herab als vor / behalt das / vnnnd reiß die feces
allayn / sublimiers als vor / das thū als lanng
biß die feces nicht mer riechen auff den kolen /
so schüt die feces hin / vñ nim den sulphur der
dauon sublimiert ist / ain thayl vnd zway mal
als vil salis communis preparati / als ich vor
im

Im 20. cap. gelert hab/reib das gar wol durch
einander/vnd sublimiers als vor/vnnd leg zu
ersten aber ein plech auff dz loch biß die feuch-
tung verriech / so vermache es wie vor/vnnd
sublimiers als vor in allen sachen / vnd wenn
du das also fünff stüd thüß/so nim den schwe-
bel/der dauon sublimiert ist/vnnd reyb in mit
zway mal als vil newes saltz communis pre-
parati/als ich vor hab glert das sublimier als
vor/vnd reiß es mit sein feces als offft der sul-
phur wirt weyß als schnee/ so hatt er sein ge-
nüg/den behalt biß ich andere sacht dauon lere
machen.

Wie man Mercurium sublimieren soll. 42.

Mercurium solten also machen vnd sub-
limieren/ Nim Mercurij ain pfunde/
sal armoniac eyn vierdung / alaim ain vier-
dung/ayer kalcß eyn vierdung / vnd geuß da-
ran gütten effig / das es wol seucht werde/
vnnd rüre es durchainander / vnnd laß es
stehn vber nacht/zü morgen reyb mit eyn an-
der auff eynem steyn/ee der effig daran gegos-
sen wirt / vnd wenn du es darnach wol geriben
hast / das du den Mercurium nymer siehest/
D 4 solast

Don rechtem brauch der Alchimei.

so laß es trucken an der sonnen/ vnnnd reyß es
aber mit effig als vor/ vnd laß es aber trucken
als vor/ das thû sieben stund/ so laß es wol
trucken an effig gar wol/ lege es dann inn eyn
Alembicum/ also vñ sublimiers in furno subli-
mationis/ wie ich vor gleret hab von dē schwe-
fel/ vnnnd vermach den filz an dem Alembico



gar wol/ daz nichts darauß
riechen mög/ darnach mach
zū ersten auf zwü vie gar ein
klein feür darunder/ biß die
feucht oben außgeet/ wie du
mit dē plech gewar wirst vñ
ich vor gleret hab/ so vermach
das loch oben wol/ vñ mach


auf zwü vr ein groß feür darund/ zū letst ein
gar groß auf üij. vie/ darnach laß gemechlich
erkalten/ thû es auff/ so findstu on Mercuriū
als weiß mel in dem hüt/ vñ neben anhencken
auch auf den fecibus liegen/ sollichs streich als
herab mit einer federn/ reib in mit dē fecibus/
vnd mit starckem effich als vor/ laß es truckē
vnd sublimiers wie vor/ das thû so lanng biß
der Mercurius weiß werd wie der schnee/ vnd
zū dem sechsten mal was von den fecibus suba-
limierte

limiert wirt/ das behalt vnd sublimier die feces
 beson der/ das thū so lang biß die feces nit
 mer riechen auff den Eolen/darnach nim̄ Mer
 curium sublimatum/ vnd nim̄ zway mal also
 vil sal comune preparatum/das mische durch
 einander/vnd thū es in ain alembicum wienor
 vnd sublimiers in allen sachen wie vor/Dz thū
 also drey stund/ darnach sublimier die feces a
 ber wienor/biß sie nit mer riechen auff den Eo
 len/vnd würff sie hin/Vnd ist der Mercurius
 nit weyß wie schnee/so nim̄ ein ander sal pre
 paratum/vnd sublimier den Mercurium inn
 allen sachen/ wie ich yetzundt gelert hab / biß
 er weyß genüg wirt/so behalt in biß ich mehr
 daruon werd lernen.

Wie man alle spiritus fixiern soll
 Cap. 43.

Willt nun Mercurium album/ sulphur
 album/ arsenicum/ sal armoniac/ vnd
 alle spiritus fixiern/das sie nit verriechen auff
 Eolen/vnd ewig bleyben im̄ fiewr/ so nim̄ wel
 che spiritus du wilt/vnnd reybe ihn mit oleo
 tartari/wie ich gelert habe im̄ xxxvj. capitel/
 Vnnd wenn es also geriben ist/ so thū es inn
 D iij ein

Von rechtem brauch der Alchimei.



ein alembicum mitt einer rötten/ vnnnd das
alembicum soll weyt seyn/ das du mitt der
handt mögst darein greiffenn/ oder du müßt
das glasz zerbrechenn/ vnnnd wenn du ehs inn
den alembicum hast gethon/ so setz ehs in fur-
num distillationis/ vnnnd distillier das oleum
dauon biß er trucknet/ dann nimß heraus das
puluer/ vnnnd reybe es mit einem neuwen oleo
tartari/ vnd distilliers alls vor/ das thû alls
lang biß der spiritus nitt mer riech auff den ko-
len/ so behalt in/ vnd reiß den sunder on öl/ vnd
leg in in ein ferolglas/ vermach dz wol/ grabe
es in mist/ vñ laß es steē 10. tag/ biß es zu was-
serwird/ so setz es in ein äschen/ in furnum subli-
mationis/ vnnnd mach eyynn klayn fetür da-
vunder/ thû das glasz oben auff/ vnnnd laß ehs
also

also stehn biß das puluer in dem glaß truck-
net vnnd hart wirt/so ist ehs fixum/das be-
halt biß ich mehr daruonn leere/Vnnd wisse
das du also mitt oleo sulphuris/oder mitt a-
qua salis armoniaci/odder mitt aqua vitrio-
li albi/alle spiritus fixieren magst/inn allenn
sachen wie ich yetzund ge'eret hab/cum oleo
tartari/vnnd wisse wann die spiritus alle fi-
xiert seynde/so seynde sie weiß/so magst du da-
zu handt darauffen Luna machen. Wilt du
aber darauff solem machenn/so müst du dye
weisen spiritus rubrificiern/also/ nimb wel-
lichen spiritum du wilt/vnnd reyb ihn gar
wol mitt aqua crocus Martis/alls ich ge-
lernt hab imm 25.vnnd wenn du ihn wol ge-
riben hast/so laß ihn wol trucken an der son/
odder in furno sublimationis/vnnd reyb ihn
aber mit croco Martis/vnd laß ihn trucken
als vor/das thû als offte biß das puluer rote
wirt als Cynober/so ist ehs seyn genüg/dar-
nach reib es also trucken/thû es inn ein sevel-
glaß inn mist/vnd laß darinn stehen 10.tag/
darnach laß aber trucken inn furno sublima-
tionis als vor/so magst du darauff machen
solem.

D hñ . Cap.

Von rechtem brauch der Alchimey:

Cap. 44.

Nun will ich leren die siben Planeten calcioniern/purgiern/vnd in solidam massam reduciern/vnd will anheben am Sol.

Wie man Solem calcioniern soll. Cap. 45.

Solem solt du also calcionieren/ Mach ain vassz das ain langen vnd engen halß hab als weyt als ain gulden/ In dem vassz zerlaß Saturnum/vnd wenn er wol zerfloßen ist/ so deck das loch oben mit dem feynsten goldt/dz du gehalten magst/ mach darunder ain stäts feror/vñ kere den oft vñ/das der dampf vom Saturno dē guldē wol laßt puluern als kalck/ so mach darauß ein puluer/so ist es calx Solis.

Wie man Lunam calcionieren soll. Cap. 46.

Incalcem Lune magst du in aller sacht von seym silbern Thurnes/ als ich yezunde gelert hab de auro.

Ein ander calcionatio Solis. Cap. 47.

De auro nimß wie vil du wilt/vnd feyhel den elain zu puluer/dasselbig puluer nim/ vnd leg es inn starcken essig/ laß es also stehen

stehn ir. tag/darnach nim̃ es herauß/vnd laß
trucknen an der Sonnen/reiß es gar klain/vnd
thū als vil aqua salis armoniaci darzu/reys
durch ainander/laß es darnach trucknen/vñ
reys anderwert mit aqua salis armoniaci/dz
thū also sibem mal/vnd laß es zum letsten wol
trucknen/so ist es wol güt calc Solis. In aller
sach magst du calcem Lune auß gefeyheltem
silber/als ich jezund gleret hab de calce Solis.

Ein ander calcionatio Solis. Cap. 48.

N In ander calcionatio Solis. Nim̃
gar dünne plech de Sole/vñ die schnei-
de gar klain als brayt als er wayß/vnd nym̃
dann Mercurium/vnd thū in in ein tigel/laß
in hayß werden ob kolen/vñd darnach thū
das golde darein/vñd nim̃ den tigel von den
kolen/vnd rür den Mercur um durch eynan-
der/biß du das gold nit mehr greyffst inn dem
Mercurio/so setz den tigel wider auff die kolen
vñd rür es durch einander/das thū als lang
biß Mercurius aller verzeicht vñd versch-
windt/Darnach nim̃ das puluer auß dem ti-
gel/reys es auff einem stayn mit sal commun
preparato/oder sale armoniaco/das ist besser/

D v dare

Don rechtem brauch der Alchimei.

Darnach wasche das saltz darvon/vnnd laß es wol truckē/so ist's güt calx solis. In aller sache als ich yetzund gelernt hab magst du machen calcem Lune auß silbern blechen/den dz du dz puluer von dem silber hinach mit tartaro calcinato/oder mit sale communi preparato reiben solt/vnd darnach wider dauon waschen mit lauterem wasser/vnd laß trucknen als vord so ist es gütter calx Lune.

Wie man calcem Lune soll preparieren ad calcem Solis. Cap. 48.

Nimm du aber den selben calx lune prepariern ad calcem solis/so nimbe den calcem Lune/vnnd reyb ihn mitt tartaro calcinato gar klain/vnnd lasse es darnach vonn dē stain fließen inn eyn glasz/ als ich vormals offte hab gelert/vnd laß in darnach aber wider trucknen/darnach nimbe crocum Martis/all's ich vor gelernt hab/den crocum mische mit ein wenig alaim grün wasser/vnnd reybe den calcem mit dem selben croco biß ehr rodt wirt/vnd lasse in trucknen/das thū als lanng biß er rodt wirt wie cynober/darnach reibe in mitt aqua salis alkali/laß ihn darnach wol trucknen/vnnd brenne ihn dann biß er schön flüssig wirdt/vnnd geiß ihn/so ist ehr rodt als

als Sol/darauff magst du schier machen solē
als ich hernach im vj.cap.des andern büchs
lernen will.

Wie man Venerem sol calcioniern. Cap. 50.

Venerem soltu also machen vnd calcinie
ren/ Nim arsenicum album vnd stoß dz
zu puluer/reib es mit oleo gar wol/ vnd nim
dann gefeyelt kupffer vnd salbe das mit dem
oleo/ vnd leg des ein rath inn den tigel/dar
nach ein strat mit commune preparato/das
thū als offte biß der tigel vol werd/dann ver
mach in mit luto sapientie/vnd setz in in koln
inn ein windofen auff 3.vr/darnach laß in er
kalten/vnd wasch den calx der darinn ist mit
warmem harn oder mitt wasser biß das alles
dauon kompt/so bald es getrucknet/so ist ehs
calx Lune alba/wilt du den rot machen/ thū
es mit croco Martis vnd mit aqua salis ar
moniaci/wie ich vor hab gelert.

Ein ander kunst Venerem zu calcioniern. Cap. 51.

Die calcionatio wirt auff griechisch ge
nannt Alchaida/ Nim venerem/ zerlaß
das in fewr/vnd wirff dann dareyn Arseni
cum album/odder sulphur purgatum/das
rür.

Don rechtem brauch der Alchimey.

rür durch ainander/ biß es nymer rieche/ dara
nach geüß es in ain ander vassz/ vnnd wässche
es gar schon mit wasser/ vnnd bränne es aber
wie vor/ vñ wasch als vor/ das thū drey stund
vnd behalte es inn aym jrdischen vassz/ biß ich
dich mehr darvon leren werd.

Ein ander calcionatio cupri.

Cap. 52.

Sthū als ich vor gelert hab im 8. Capite.
mit dem atrament/ vnd wenn das kupf-
fer also zu puluer ist worden/ vnnd darnach
wol gewässchen/ so lasse es fallen/ vnnd geüß
das wasser darab/ vnnd laß es aber gar wol
trucknen/ darnach reybe es wol mit alumen ja-
mini wasser/ vnnd mit salis communis pre-
parati wasser/ laß es wol trucknen/ Darnach
reyß es aber mit dem wasser als vor/ vnnd laß
es trucknen/ das thū als lang biß das cuprum
weyß wirt/ darnach reyß es mit aqua alkali/
vnd thū darzu ain wenig borax/ der von tar-
taro gemacht sey/ als ich im xij. Cap. gelert
hab/ Vnd wenn du es also wol geriben hast/
so laß es wol trucknen/ thū es darnach inn ein
tigel/ vnd vermach den oben mit luto/ vñ laß
ain klain löchlin oben/ setz es in ain wind ofen
vnd

vnd mach ein starck fewr darumb/ vnd blase fast zu/ daz das puluer zu handt flüssig werd/ vñ wen es flüssig ist worden/ so geiß es durch das löchlin in ein kalt wasser darin ein wenig vnslit ist/ so wirt darauß ein weiß wasser als Luna/ vnd das ist die best purgatio Veneris ad Lunam.

Wilt du aber Venerem purgieren ad solē/ so reiß das puluer wan es weyß ist wordē mit croco Martis/ vnd mit thutian wasser/ oder mit aqua salis armoniaci/ vnd thū ihm inn aller sachen als ich vor gelert habe mitt aqua aluminis vnd salis/ vñ reiß es mit disen wassern/ vnd mit croco Martis/ als lang biß daz weiß puluer rodt werd als cynober/ so reyß es zum letsten mitt aqua alkali/ vnd thū ein wenig borax von tartaro darzu/ vnd thū jm inn allen sachen als ich jezund gelert hab so wirt es ein gelbe maß/ die ist güt solem.

Ein ander calcionatio Veneris. Cap. 53.

In ander calcionatio Veneris/ Nimb sal commune preparatum/ alamen plumosum/ thartarum calcionatum/ arsenicum album/ aller gleich/ mach das zu puluer/ geiß daran

Don rechtem brauch der Alchimey!

baran starcken effig/vñ misch es wol durch
einander biß es ein wasser wirt/darnach nim
Eupfferin plech/vnd mach sy haß/vnd lesche
sy inn dem wasser/das thû 1 6.mal oder mer/
so wirt es rayn vnd waich als das pley/dar
nach mach es flüssig vnd wirff darein ein we
nig gepulvert welsch glas vnd ein wenig ar
senicum album/dz laß brinnen biß es nymmer
ryech/vñ rür es stet durcheinander dieweil es
brint/vnd wann es nicht mer riecht/so geiß
es in ein ander vaß vñ lesch es mit dem ersten
wasser/so ist es güt ad Lunam.

Eyn ander calcionatio Veneris. Cap. 54.

In Eupffern plech/vnnd bestreych sye
allenthalbenn wol mit effig darinn sal
commune preparatum zergangen sey/vnnd
laß sye dann truckenn/darnach lege sye auff
zway eysen inn furnum calcinationis obenn/
das die Eolen mit daran rüren/vnnd laß also
stehn auff vier vr/darnach nim sye herauß/
vnd lesch sy inn effig vnnd inn saltz/peuge die
plech hin vnd her biß dz die schwarzen schif
ferenn alle dauon fallenn inn den effig/dar
nach mach die plech aber naß mitt dem
effig vnnd saltz/vnnd laß sye brennen inn dem
ofen

ofen wie vor / vnd lesche sy als vor / das thū so
lang biß die plech verderbenn / dann seyhe den
essig ab / so findest du das puluer am boden / dz
reyß wol mit borax de thartaro / vnd mit oleo
de thartaro / als ich vor glert hab / also das du
zū ainem pfundt des puluers zway lot vō cal-
ce Saturni / als ich im 16. cap. werd anzaigen
vnd wenn du das als wol geriben hast / so laß
es trucken / darnach thū es inn einen tigel / vñ
mache ein starck feur darunder / biß es
flüssig werd / so geiß es in ein faß da ein we-
nig vnschlic jnnen sey / so findest du es waych
vñ weiß / darnach magstu darauß machen
Lunam / wie ich hernach lernen werd / vñ wif-
se das die purgatio güt ist ad Lunam.

Wie man Saturnum calcinieren soll. Cap. 55.

Saturnum solt du also calcinieren / nym
ain thayl bleyß / vñnd mach das ander
thayl zynß / thū das inn ein tygel / vñnd mach
das flüssig mit ainem wyndt ofen mit star-
ckem feur / vñnd rüre es durchainander mit
ainem eyßnenn löffel / vñnd was du puluers
darinn findest / das nymb mit ainem löffel
herauß / vñnd behalt es / das thū als lanng
biß

Von rechtem brauch der Alchimie

Bis es als zu puluer wirt/so thū es alles inn ainen hasen/vnnd bren es ob Eolen bis auff vier vr/vñ ker das puluer offte vmb mit ainem löffel bis es weiß werd/so behalt es schon / Vnd wisse das du zin allain inn aller weiß calcinieren solt/als ich yetzund gleret hab/aber es wirt nicht als schier zu puluer wie das pley, des haben müst du ain starck feur darumb machen/vnd stätiglichen rürē bis es zu puluer werd/darnach thū ihm wie ich vor hab gelert von dem pley. Wilt du nu die puluer von dē pley/oder von dem zin wider in jr erste maß bringen/so nim ein pfund des puluers/vnd ein lot borax von thartaro/vnd reiß die zway mit oleo thartari wol / vnnd laß darnach wol trucken/darnach thū es in ainen tigel/vnd mach es flüssig ob ainem starcken feur / vnd wenn das feur nit gar starck ist / so wirdt glasz drauß/auß dem zin wirt weiß glasz / vnnd von dem pley gelbes glasz.

Ein ander calcinatio Jouis vñ Saturni. Cap. 54.

Wilt du Jouem calcinieren/Nim dñne plech von zin / schneid die gar klain zu Rucklin/darnach nim ein neuen hasen/ vnd leg ein

leg ein strat von lebendigen Eolen/vnnd dar-
nach aber ein strat/ das thū als lanng biß der
hafen vol werd / darnach vermach es mit lu-
to sapientie/vnd setze in in furnum calcinatio-
nis ein nacht oder lennger / darnach nim das
zin herauß/zerlaß es gar wol/vnd geuß es inn
essig/kalck vnnd rebäschchen/dz thū drey stund/
so wirt es hert als Luna. Vñ wiß das du pley
zū gleicherweiß calcinieren solt/vnd wenn du
es gießen wilt/so geüße es inn wasser das von
sale cōmuni preparato/vñ von essig gemacht
wirt/ vñ inn dem selbigen wasser lesche es 40.
stund/darnach reib es klein / laß es trucknen/
vñ thū das inn einen hafen den vermach oben
wol/vñ setz es in ein warmē bachofen ein tag
vñ nacht/darnach nimß in herauß/ so findest
du ein kalck der ist grün/vñ wirt gold gleich/
darauf machest du solē/ als ich hernach werd
lernen.

Ein ander Calcionatio Iouis. Cap. 57.

In zin das glat sey vnd feyn/ dz zerlaß
wol/darnach geüß es in essig dz mit a-
qua Mercurij gleich gemischer seye/ in dē was-
ser lesche es offte/ so wirt es hert vnd weyß als
Luna

Von rechtem brauch der Alchimey.

Luna. Item mach ein lang von rebäſchen vñ
von eſſig/vñ leſch den Jouem darin ſibē mal/
darnach leſche in zwölff mal in friſcher gayß-
milch. vñ thū ein puluer darzū vñ Arſenico al-
bo/ſo wirt d̄ jouis weiß vñ hert als luna vera.
Wie man Martem calcinieren ſoll. Cap. 58.

MArtem calcinier alſo/ Nim dñe plech
von hertem eifen / vñnd glew die wol/
vñd leſch ſy neijn ſtund in leinöl biß ſy waych
werdenn als kupffer / ſo mach darauff klayne
plechlin als die haller/darnach ſo nim Satur-
num/zerlaß den ob kolen / vñd wirff dann als
vil vom Mercurio hinzū/vñnd rür es durch-
ainander/vñ laß es erkalten / darnach ſtoß es
zū puluer/vñd reibe es auff ainem ſtayn/dar-
nach mache die plech von dem Marte warm
vñ beſtreych ſy mit leinöl / ſäe das puluer dar-
rauff von dem Saturno vñd von dem Mer-
curio/leg je ein plech auff das ander/vñnd ſäe
des puluers darauff/ das thū als lang biß ain
tigel vol werd/ſo vermach in oben halbē wol
mit luto/vñd ſetz in inn furno calcinationis
auff zwū vr/darnach laße in erkalten/ ſo iſt es
weiß worden vñd waych.

Wilt

Wilt du in aber waicher machen/so misch
 Kal alkali vnd leinöl durcheinander/vnnd salb
 den vorgeschribnen Martem damit/vnd zer-
 laß in inn starckem feyr/das thū drey stund/
 darnach leg darzu das viert tail de Jone cal-
 cinato wie ich vor gelert hab/vñ zerlaß in als
 vor/so wirt er weiß vnd waich als Luna.

Ein ander ca'cionatio Martis. Cap. 59.

Dem nimm gefeyelten Martem/wie vyl
 du wilt/vnd des zwainzigst thail dar-
 zu schwebel der gepuluert sey/vnnd mische die
 zwey miteinander/thū es inn ein tygel/ver-
 mach den oben mit luto/vnd setz in in furnu
 calcinationis auff einen trifuß/laß in dar inn
 stehn vber nacht/zū morgen nimbs heraus/
 vnnd thū es auff/so findest du ehs schon ca-
 cioniert/desselbigen nimm ein pfundt/vnnd dar-
 derthalß lot de Jone calcionato tartaro/vnd
 wirdt gemacht wie ich vor gelert hab/dar-
 drey reib durcheinander mit aqua alkali/vnd
 laß ehs trucken/darnach thū es inn einen ty-
 gel/vnd mach es flüssig mit ein starckē feyr
 vnd geiß es in ein eisen vass/da ein wenig vn-
 ter linnen ist/so wirdt es güt Luna.

¶ Wie

Von rechtem brauch der Alchimie

Wie man alle spiritus wider in jr erste materi bringt. Cap. 60.

Milt du wissen wie man alle calcionata corpora vnd spiritus wider in jr erste materi oder massen bringen möge/so nim welche calcem oder spiritum du wilt/des nim ein pfund/vnd anderthalb lot des borax von tartaro/allß ich vor gelert hab/die zway reyb mit oleo tartari/oder mit aqua alkali/wie ich vor gelert hab/vnd wenn du es geriben hast/so laß trucken/thu es in ein tigel/vñ vermache in oben mit luto/vnd laß ein klain löchlin darrein/mach es flüssig mit einem starcken feur vnd gebß es inn ein eyßen baß da außflie innen ist/allß ich vor offte gelert/so werde die mass weiß/dz darnach kurzlichen Luna oder Sol werden mag/Du solt aber wissen das du dye corpora calcionata eh du sie reibst mit dem borax oder oleo tartari/so solt du sy zum ersten allein reiben vnd schön wasche biß lauter wasser daruon komme/darnach reyb sie mit wasser/dz thu so lang biß die calces weiß werden/so treib sie dann mit dem borax/wie ich vor gelert hab.

Wie man alle metall hammers kan. Cap. 61.

Wile

Wilt du nun wissen wie man alle corpora
 oder metalla die sich nit gern wollen las-
 sen hammers/ auch das glass/ vnd Mercuriū
 coagulatum möge hammers/ so nimb milch
 vonn einem rind wiewil du wilt vnnnd seyhe sie
 durch ein filz/ darnach nim sal alkali/ borax/
 sal commune preparatum/ vnnnd Soc's blut/
 dise all gleich vil/ vnd misch es wol miteinander
 biß ein wasser drauß werd/ so thū es in ein gla-
 se das oben weit sey/ vñ vnden eng/ vnd hencf
 es an die sonnen/ oder in ein senfft feur/ vnnnd
 laß als lang da hangen biß die materi darinn
 hert wirt/ dz mach zū puluer/ vnd thū sein ein
 lot zū ein lot zū ein pfund Mercurij/ oder zū
 wellichem metall/ das sich nit will lassen hā-
 mern/ zū glass oder cristallen/ vnnnd geuß da-
 mit/ vnd laß es erkalten/ so magst du es hā-
 mern/ vñ das heiße borax Philosophorū/ des-
 selben borax nim ein lot/ vnd ein pfund gefeiel-
 ten Martem/ reib das mit einand/ vñ hencf's
 ober ein starck feur/ darnach laß es erkalten/
 mach es zū puluer/ vñ setz in ein ofen glass an
 den feuchten lufft biß es zū rotē wasser wirt/
 darnach nim calcem Saturni/ der weyß sey/
 wie ich im 55. cap. gelett hab/ vnd wasch ihn

E iij gar

Von rechtem brauch der Alchimei.

gar schon/biß schön wasser dauon komē/ dar
nach reib in mit dem vor geschribnen rodten
wasser/dz thū als lang biß der calx Saturni
rodte werd/ so geiß ihn in eisne vaß/ da vnflie
innen sey/ als ich vor offte gelert hab/ so wirdt
darauf güt Sol.

Vorred inn das ander Buch.



Ech hab gelert was materienn nutz
vnnnd güt seynd zū der kunnst/vnnnd
weye mahn alle ding preparieren soll/
das

das man sie zu der kunst genützen mög/ Nun
will ich leren wie man sie nützen soll/ das wer-
den mög Sol vnd Luna/ vnd will am besten
anheben.

Wie man Lunam machen soll. Cap 1.

Nunam solt du also machen/ Nim Sul-
phur als er in den Krämen ist/ vnd mach
jn zu puluer/ des nim ein pfundt/ thū jn in ein
eyßne pfann/ laß jn fließen ob Eolen/ darnach
nimß Mercurium viuum/ ein vierdung oder
ein halb pfund/ vñ mach den warm in ainem
tigel/ darnach schütt jhn in den schwebel/
vnd rüre es wol durch einander mit ainem
eyßen/ das lang sey/ hyn vnd her/ biß es eyne
materi werd/ als eyne müß vnd schwarz/ dar-
nach laß es stehen ob den Eolen in einer hitz/ biß
sich der Mercurius wol zu Boden setzt/ dann
geiß den schwebel gar sittigliche oben herab
das der Mercurius am Boden bleybe/ den laß
erkalten/ so würdt er schwarz vnd hárde als
ein stein/ Was nit hárte sey/ das zerlaß ander-
wórd mit dem forden schwebel/ vnd rür es
wie vor/ biß der Mercurius aller hárde we. d/
so reiß jn gar klain zu puluer/ vnd thū jn in

ein

Von rechtem brauch der Alchimey.

ein klain häfelin/ vermach das wol mit Luto
sapientie/ vnnnd setz in darnach in furnum
sublimationis/ oder auff einen drüß/ vnnnd
mache ein fewr mit kolen darunder/ Zum er-
sten ein klain fewr auff zwo horas/ darnach
ein groß fewr/ also das der glawwe den hafen
wol rüre/ vnnnd der hafen soll allenthalben be-
strichen sein mit luto/ vnnnd gar wol trucken/
vnnnd laß den also ein tag inn stättem fewr/ als
ich yetz gelert hab/ Des nachtes laß den hafen
erkalten/ zū morgens brich den hafen auff/
so findest du Mercurium trucken vnd hārdt/
den nimß herauß/ vnnnd reybe ihn gar wol also
trucken/ Darnach thū in in ein eyßne pfann/
thū als vil gallitzenstein darzū/ vnnnd halben
weg als vil sal armoniac / darauff mache als
ein puluer/ vnd thū es zueinander in die pfan/



mach ein klain fewr von ko-
len darunder/ vnd wenn es
flüssig wirdt/ so rüre es wol
durch eynander / biß es cyn-
massa wirt/ darnach laß es
erkalten/ vñ reybe gar klain
auf einem glatten stain/ das
selbig puluer thū in ein lan-
ge

ges gläß/also das dz gläß zway oder drey tayl
lär bleib/darnach verstopf das gläß oben mit
einem leynen tuch/vñ setze das gläß in äßchen
in furnū sublimationis / wie ich vor in dē 21.
Cap. glert hab/vñ mach zum ersten ein klein
feyr auf ein vr/darnach mach ein größers/
zū letstē wol auf drey vr aller größest/ein son-
mer langen tag/vñ des nachts laß es erkaltē/
zū morgens nim̄ das gläß herauß/vnd Büche
auf/so findest du den Mercurium vñ sal armo-
niac sublimiert/oben in dem gläß/dz nim̄ he-
rauß/auch vnden in den feces/reys alles wie
vor/vnd thū in ein ander gläß/sublimiers in
allen sachen/wie ich vor gelert hab/ Zū morgē
nim̄ es aber herauß/vñ nim̄ den Mercurium/
sal armoniac/das sich oben an das gläß subli-
miert hat/vñ reyse den allein mit dem sal ar-
moniac/die feces aber thū hin/darnach thū
inn ein ander gläß/vnd sublimiers als vor/zū
morgen findest du aber den Mercurium subli-
matum/vñ bene preparatum/darnach nim̄ j.
th de vitriolo Romano/dz ist grüner galligen
stein/den stoß klein zū puluer/vnd geiß laus-
ter warm̄ wasser dran/vñ mache dz ein wasser
werd/mit dem selben wasser reiß den Mercurium

E v rium

Don rechtem bräuch der Alchimetz

stunt gar klein auff einem stein / also das du
nichts auff dem stein empfindest / vnd laß es
trucknen / darnach reyb es als vor / das thû al-
so vier mal / darnach thû den Mercuriū in ein
gläß / vñ geüß das wasser de vitriolo dran / biß
an das gläß halb / vñ setz das gläß ins feror in
furnum sublimationis als vor / vnd mach ey-
gar klein feror drunder als der sonen hitz / oder
als ein hitz vonn einer kerzen / das solt du drey
tag vñnd nacht oder länger thûn / so wirt der
Mercurius vñ dz sal armoniacū hārt / vñ coas-
guliert sich mit einander als ain cristall / weñ
du das sihest vñden an dem gläß / so geüß das
wasser sittigkliche draß / vñ laß es trucken / dan
nim desselben cristallē als groß / als ain erbeyß
vnd leg das auff ein kupfferin glüwigs plech /
zerfleißt es als ein āsch on rauch / so ist es ge-
recht / Ist ihm aber nit also / so reyb es wider /
thû es in das gläß / geüß des fordern wassers
daran / vñ thû im in allen sachen als vor / biß es
flüssig werd on rauch auf ainem plech / vñ wo
es geflossen ist / da sol dz silbern werde / vñ wan
dz gschicht / so nim desselben cristallen ein lot /
vñnd mach den zu puluer / darnach nim ein
halb pfundt Mercurij crudi / thû den in ein
tigel / vñ mach in warm auff kolen biß er wall

vnd riechend werde/so wirff das vorgenannt
puluer von 8 cristallē darein/vñ rür es durch
einander/so wirt es zū hand alls Luna bona/
so nim dan desselbigen Mercurij ein lot/vñnd
misch ihn mit einem marcē Veneris purgati
vñ calcionati/wie ich im 52. Cap. gelert hab/
maches flüssig/vñ geüß als ich vor glert hab/
so wirt es recht vñ güt Luna. Wiltu aber den
cristallen von erst recht vñ besser machen/daz
er zway mal als vil albificiert als sunst/so reib
in anderwerdt mit aqua victrioli/vñ geüß dz
wasser daran/thū in in allen sachen als vor/
vñ laß in aber stehn in furno sublimationis 3.
tag vnd nacht/vñ seyhe das wasser dann da-
rab/laß es trucken/so wirdt es klarer dauonn
so wirt güt Luna vnd weiß/ye öfter du es
thūst/ye besser es wirdt/vñnd wann du sihest
das der Mercurius im glaß auff dem bodenn
ligt als silber/vñnd das sal armoniac nebenn
an hencē/all die cristallenn/so ist dein sach
gerecht/so wiß das eyn loth desselbenn Mer-
curij vier marcē Veneris purgati oder Mar-
tis purgati zū gütter Luna macht alls ich vor
gelert hab.

Wie man ein drittägig feur machen soll. Cap. 21

¶ Nun

Don rechtem brauch der Alchimey:

Wen will ich lernen/wie man ein drittes
gig feur/od dz lenger in einer hitz bleibt/
machen soll/dan es wer musam dz eyner drey
tag vnd nacht mit kohn eins feur warten solt
dan will ich hüpsch künst lerē/Um ein gros
sen hasen der vnden vnd oben offen sey/ mach
oben ein deck darüber/die du auff vn zu mögst
thun/wann du wilt/vn mitten in der decke in
wendig/so machein oz das man etwas daran
hengē mög/vn obē in den hasen mach zwey
oder drey löchlin/dz der rauch auß mög riechē
den hasen mach einer elen hoch/vnd setz einen
drifüß vnder den hasen/auff den drifüß aber
setz das glas oder den hasen/darinn die mate
ri ligt/die du coaguliern oder sublimiern wilt/
vn setze ein rigel mit oleo oder mit gutem vnß
lit vnder den trifüß/vnd zinde in an vnd lass
in brennen/also das der flammen wol an den
hasen schlahe/vnd stürz den hasen vber das
alle sampt/behülle vnd deck ihn oben zu mitt
der decke/vnd lass ihn also stehn wie lang du
wilt/vnd wann dich dunckt das der zohe inn
dem öl verbrant sey/so wart darzu vnd mach
ein andern drein/vnd also magst du aller best
ein stetigs feur/das allmal gleych sey be
halten/


halten/dann es spricht Quenes / dz kein feur
Mercurium als schier coaguliert / als dz feur
welchs von oles oder vnschlit gemacht wirt/
darumb rat ich mit dem feur fast zu arbeiten/
Vnd wenn du sublimieren wilt inn eyn glasß/so
mußt du das glasß inn ein hasen mit äschen se-
zen/wie ich vor gelert hab/wilt inn ain ver-
glasten hasen sublimieren/so setz den hasen vñ
trifß in äschen/vnd sublimier.

Ein ander operatio ad Lunam. Cap. 3.

Schwefel der gepulvert sey/nym ain pfune
Schüß in in eyn weyte pfan/geriß als vil lein
ois daran / als des schwefels ist / setze es auff
Eolen / vñnd laß es gar senfftiglich erwallen
ob klainem feur/vñnd wart gar wol das die
pfann nit vbergehe/vnd wenn du sihest rothen
schaum vbersich gehn / so thû die pfann vom
feur/vnd rür es durcheinander / vnd wenn sich
der schaum wider nider setzt / so thû es wider
vber das feur / vñ rür es durcheinander/ sol-
chs thû als lang biß es dick werd als ein daig/
so thû es also warm auff ein glatenn stain/ so
ist es rot als ein stück flaisch/vnd wenn es er-
kalt/so wirt es hert als ein gelotten läßer / so
nim dann den selben schwefel/vñnd mach in
zu

Don rechtem brauch der Alchimel.

zu stücklin/vñ leg in in ein pfañ von eysen/vñ
so vil oleum laterum daran als des schwebels
ist/mit dem öle laß den schwebel erwallen auf
zwoñ vr/darnach laß in erkalten / vñ thū in in



ein solchs glaß/vñ setz es in
äschchen in den forñ haben
auff drey tag vñ nacht mit
dem fordern feür von oleo
oder vnschlit/vñ laß es al-
so ob dem feür stehn / biß d
schwebel im glaß zu öl wer-
de / darnach nim das glaß
vñ setz es inn kalt wasser / laß darin steen drey
tag vñ nacht/darnach thū es in einen alembi-
cum/vñ setz es in furnum distillationis / vñ zu
ersten mach ein klein feür darund biß die feuch-
tigkeit daruō fließ/darnach mache zway mal
als groß ein feür/so fleißt rot öle daruon / das
fabe in ein besonder glaß/vñ mach das feür ye
lenger ye grösser/biß das glaß glaw / vñ nicht
mer dauon fließen will / so laß es erkalten/vñ
nim die feces darauß/die seind schwartz / das
thū in ein hasen / vermach den / vñ calciniers
in ein starcken feür/ein sumer langen tag/be-
halt sy/darnach nim dz wasser dz vñ ersten vñ
den

dem öl distilliert ist / vnd thū es in ein alembi-
cum / distilliers als vor / das thū vier stund / vñ
Behalt es wol / darnach nim̄ das ole welchs
rot auß dem alembico distilliert ist / vñ distil-
liers wie vor mit einem Kleinen scwr / dz thū so
lang biß dasselbig rot ole lauter wirt / vñ wen̄
du dz drey oder vier stund gethūst / so ist es ges-
nüg / vñ nim̄ die feces am boden im alembico /
die seind waych als schwarzes blūt / dz hayße
ignis elementaris. So nim̄ das öl welchs yetz
unt lauter ist worden / vnd distilliers aber wie
vor / dz thū sieben stūð / vñ wen̄ dz geschicht so
halt dz öl auch sonder / darnach nim̄ ein kupf-
fern plech dz glaw / vñ leßch in dē erstē wasser
das dir erst herauß floß / wenn du dz plech im
wasser gelescht hast / wirt dz plech dann silber
farb / so distillier das wasser biß jm also gschic-
ht / so nim̄ dann die ersten schwarzen feces /
gemin terrā / die reib auß ein glatē stein mit
dem vorgeschribnen wasser sitttlichen / vñ laß
es je trucken / darnach reib es aber mit dem sel-
bigen wasser / das thū also lanng biß das was-
ser als schmeer trucknet inn die feces / alls die
feces silbern weren / darnach nim̄ der feces
ein wenig / vñnd thū sye auff ein hayß kupffe-
ren plech / zerfließt sye wie wachs / vnd macht
das

Von rechtem brauch der Alchimei.

Das plech weiß wie silber / so ist's gerecht / machts aber nit weiß / so reiß es mer mit dem forbern wasser biß das plech weiß darvon wirt / darnach so nim des lauttern öls welchs sibens stund durchflossen ist / dz du zum letzten mal behalten hast / vnd reiß die feces damit / laß sie darnach trucknen / vñ reiß sy ander werdt / dz thū so lanng biß die feces aber zerfließen auff dem glawen plech / vñ thū jm in allen sachen wie ich jezund gelert hab / darnach nim diese ces / dz ist terra / ein tayl / vñ ein tayl Mercurij viui / leg es in ein verglastes heselin / vnd vermache dz wol mit gutem luto sapientie / vnd laß es wol trucknen vñ setz es in furnum venti / dz dz hāselin wol glū als lang es im feur stee / darnach laß es erkalten einen halben tag / vñ brich das heselin weißlich auff / so findest du Mercurium ein wenig hert / So nim cynander heselin / vñ leg den Mercurium darein / vñ als vil der forbern feces / vermache den hasenn mit luto wie vor / vnd setz jn inn furnum / vnd thū jm inn allen sachen als vor / so findest du den Mercurium aber herter / thū aber als vil de fecibus darzū / thū jn inn ein andern hasen vñnd thū jhm inn allenn sachen als vor so fins

so findstu ein materien die haist elixier/ id est
 medicina/ desselben nim ein lot/ vnd mach es
 flüssig mit tausent lot Martis purgati vnd
 albi/ wie gelert in 8. Cap. so würdt es güt
 Luna. So nim dan des yezigen Luna ein lot
 vnd mach in flüssig mit Veneris calcionati
 vnd albi/ wie in 52. Cap. angezaigt/ so würdt
 es noch besser Luna/ den man nimmer verwerfa
 sen mag/ so nim des ersten elixier ein lot/ vnd
 ein marc Mercurij viui/ thū es zu eynander
 in ein tigel/ vnd laß es mit einander ein we
 nig erwallen/ so würdt der Mercurius hárde
 würdt güt Luna/ vnd laßt sich treyben mit
 dem hamer nach allem willen.

Solem zú machen. Cap. liij.

MIt du auß dem vorgeschriben elixier
 Solem machen/ so nim ignem elemen
 tarem/ den du behalten hast/ den leg auff eyn
 Bratt glasz/ reyb in sittiglichen/ vñ laß es tru
 cken an der sonen/ wehr auch das kein staub
 dain kom/ darnach reyb es mit dē ersten was
 ser/ wie ich gelert de fecibus/ vnd reyb es mit
 dem wasser vij. stund/ thū in wie ich vor an
 gezaigt/ biß das ignis aller sach trucken wirt/
 vnd wen es also trucken ist/ so reyb es mit dem
 8 ole

Von rechtem brauch der Alchimey.

Öle auch sibem stand / inn allen sachen wie ich
vor de fecibus gelert / Darnach nimß desselben
igni also preparato / leg sein als eyn erbiß auff
eyn plech das silbern ist vnnd blaw sey / zer-
fleißts ignis auff dem plech wie wachs / vnd
wirt rodt als sol / so ist es gerecht / Zerfleißt es
aber nicht / so reiß es aber mit dem fordern öle /
das thû so lang biß es zerfließ / vnd wann das
geschicht / so nimß desselben ignis preparati ein
thayl / vnnd leg es zum fünfften thayl Mer-
curij vini inn ein klein häselin / vermache es / vnd
setz in furnum / mache ein sewor darunder eyn
halben tag / vnnd thû jm inn allen sachen wie
vor de fecibus gelert / so nimß es herauß / vnnd
thû ignis preparati aber als vil darzu als des
Mercurij ist / vnnd thû es inn ein ander häse-
lin / vnd thû jm inn allen sachen als vor / Dar-
nach thûs auff ein thayl / vnnd fünff thayl
Mercurij crudi / thû wie vor / so findest du Mer-
curium citrinum / der ist hardt vnnd rodt als
güt Sol / dann nimß desselben elixier eyn tayl
vnd tausent tayl argenti / das vom Mercurio
ist worden / wie ich vor im Capitel de fecibus
gelert hab / so wirt das argentum güt Sol / vn-
besser dann das von natur wächst in der erde.
vnd

vnd wiß das du allweg zu einem pfund argen-
ti das auß mercurio gemacht wirt solt legen
ein lot Martis calcinati vñ purgati / den sel-
ben martem solt mischen mit dem vorgeschrib-
nen argento solem zu erlangen / biß der Mercu-
rius hert wirt / vñ sich laßt hainern als vera
Luna / so nim desselben Mercurium ein loth /
vnd geuß in mit einer marck Veneris purga-
ti ad Lunam so wirt es gut Luna.

Ein bewerte operatio ad Lunam. Cap. v.

Die operatio ad Lunam ist bewert von
allen meystern der kunst / Nim sulphu-
ris calcinati sublimati albi vñd fixi / wie ich
im xliij. capitel gelert / desselben nim drey tayl
vnd arsenici albi / fixi zway thayl / Mercurij
sublimati albi wie ich im xliij. capitel gemelt /
x tayl / vñ reyse die ding all mit aqua salis ar-
moniaci / vñ laß es darnach gar wol trucken /
reiß es aber mit aqua salis armoniaci / vñ laß
es trucken / dz thû als offte biß dz puluer weyß
gnüg wirt / darnach leg es in ein alembic / vñ
laß es trucken ein halben tag ob senffte s. ur /
darnach mach es wol feucht mit aqua salis
armoniaci / vñ laß es trucken als vor / das thû
S ij drey

Don rechtem brand der Alchimet.

Drey stund/darnach mache es gar wol feiche
mit aqua salis armoniaci / vnd thū es inn ein
fewel glaz inn ein mist auff xv. tag / darnach
nim es herauß/laß es aber trucken als vor/ so
leg sein ein wenig auff glüen plech/ zerfleus es
als wachs/so ist es güt/ thūts aber nit/so few
le es so lang im mist biß es flüssig werd auff
dem plech als wasser/so nim es in furnum sub
limationis vnd mach ein klain feyr darunder
biß es hert vnd weiß wirt/so nim desselben e
lixir ein tayl vñ hundert tayl Veneris purga
ti ad Lunam/vñ flöß mit einand wie ich vor
offt gelert hab/so wirt es als güt Luna. Wilt
du aber mit der kunst solē machen/so thū ihm
in allen sachen/wie yetzund gelert/vñ wen du
dz puluer mit aqua armoniaci geriben hast/
vñ getrücknet dz es weiß ist worden/so reib es
mit croco martis/vñ laß es truckē/dz thū als
lāg biß es rot wirt als einober/darnach fewel
es in mist biß es auf dē blech fließe als wachs
darnach nim sein ein teyl/vnd c. thayl martis
purgati/oder Saturni purgati/als ch im loy
capit. gelert/vñ geuß es mit einander als vor/
so wirt es güt sol. Vñnd wisse das die gütten
meyster die kunst auch fast operiert haben.

Eyn

Ein ander Operatio ad Lunam. Cap. vj.

N Im Mercurij vini 8 mit fixiert oder sublimiert sey/ 8. lot/ vnnnd 4. lot sulphuris sublimati albi vnnnd fixi/ ij. lot de calce Lune wie im elix. Cap. gelert/ ein loth arsenici albi/ vnnnd mach das zu puluer/ vnnnd lege es inn silber büchsen/ das ein gleich inn die anndere gehe/ eine so lanng als die anndere sey/ wann du das puluer in die püchsen hast gethan/ so vermach die allenthalbē eins fingers dick mit luto sapientie/ laß sie trucken vnd hencf sie in ein hafē/ das sie mit schwebel in dem hafē/ geuß bley in den hafē das er vol werd/ so mache ein feror vnd den hafē dz das bley stetigs flüssig sey/ vñ laß es also stetig breñen 5. tag vñ 5. nacht od lenger/ darnach nim die püch herauß/ brich sie auff/ so findest du das puluer hert vnnnd weyß/ das reiß mit aqua salis armoniaci/ vnd laß es darnach trucken/ vñ thū inn allein sachenn weye ich inn der forderenn kunst gelert/ so nimb sein eyn lot zu eyner marcke Veneris purgati/ vnd geuß es mit einander/ so wirt es güt Luna. Wilt du ad solem machen/ so mach den schwebel rodt mit croco

S ij Ma/s

Don rechtem brauch der Alchimey:

Martis/reiß in als lang damit biß es als eyn
cinober wirt/vñ nim calcem solis für calcem
Lune vnd thū in in allen sache als ich vor ge
lert hab/vñ wañ du es auß d püchsen nimpst/
ist es dan nit rot genüg/so reib es aber mit cro
co Martis biß es rot gnüg werd/darnach feül
es in mist biß es fließe auff dē plech als wachs
so geuß sein ein lot mit einer marc Veneris o
der Saturni purgati/so wirt es güt Sol.

Ein ander operatio ad Lunam. Cap. 7.

AIn ander operatio ad Lunam/Vimb
vier loth salis armoniaci ter sublimati
vnd ein pfundt ayerkalck's/dise zway reyb gar
klar auff einem stain/vñnd laß es fließen
vonn dem steyn inn eyn gläß/als vor gelert
im xij. capitel/so geuß es durch ein leinē sack/
vnd laß es durchfließen/das thū so lang biß
das wasser klar vñnd lautter wirdt/mit dem
selben wasser treyb atramentum rubrifica
tum/oder des rotten puluers de cupro/als ich
vor hab geleeret/dann laß es trucknen/vñnd
reib also sechs stund/zum achten mal reib es
gar klar/vñnd laß es aber fließen von dem
stain biß es wasser werd/mit dem selben was
ser reib

ser/reys ein pfund calx Solis/als ich im 49.
 Cap. hab gelert/ vnd thū darzu als vil Mer-
 curij sublimati/albi vnd fixi/auch salis armo-
 niaci/vnd reys das alles mit dem vorgeschrib-
 nen wasser/ vnd laß es trucken/ das thū sibem
 mal/vnd zum achten mal reys es gar wol mit
 croco Martis/wie ich im xxxvij. Cap. hab ge-
 lert/ das thū drey mal/ Darnach reys es aber
 Eleyen/vnd laß vom stain fließen als vor in eyn
 glaß oder iriden vaß/ das innen vnnnd aussen
 gar wol verglaßt sey/vnnnd vermach das glaß
 gar wol mit luto sapientie/vnd laß es trucken
 darnach leg das glaß inn gebeitelte ässchen/
 also das die ässchen vnden vnd oben vmb das
 glaß lige/so mach ein klein fewr darauff auff
 zwem tag vnnnd zwö nächt/ so coaguliert sich
 das wasser inn dem glaß/vnnnd würdt hárde/
 dan brich das glaß hüpschlich auff/ vnd das
 im glaß ist/das mach zu puluer/ desselbē wirff
 ein lot auff hundert loth Lune calcionati vn-
 preparati ad solem/wie gelert im xlix. cap. so
 wirt es alles güt vnd bewert Sol/Das ist ein
 edle kunst de Sole.

De Sole bono. Cap. viij.

Mim gefeibelter Martem wie vil du wilt
 S ij vnd

Von rechtem brauch der Alchimey.

vñ wasch den schon mit wasser biß lauter was
ser darvon kom̄/dan̄ leg in trucken/vnd in ein
gar starcken effig/ also das der effig zwey fin
ger ob dem puluer schwebt / vnd setz es in ain
glasz an die warme sonnen drey tag/ Darnach
geiß den selbigen effig in eyn reynes glasz/ vnd
geiß aber ein newen effig an den ersten Mar
tem/vnd thū jm als vor/ so lang biß das pul
uer von dem Marte verschwindt / darnach
nim̄ ein effig der von dem Marte kommen/
vnd geiß in aller in ein glasz/vnd setz in an die
Sonnen/biß der effig aller verschwindt/so be
leybt das puluer inn dem glasz / das behalt/
Darnach nim̄ de sole calcionato/ wie ich im̄
xlvj. Cap. gelert hab/des nim̄ ein thail/ vñ de
Venere calcionato/ wie im̄ lj. Cap. glert/ auch
so vil/ vnnd wassche biß lauter wasser dauon
komme/vnnd nim̄ dann des vorgeschribnen
puluers de Marte so vil/das reyb alles mit a
qua salis armoniaci / vnnd so schwer an der
wag das puluer / so schwer geiß de aqua sa
lis armoniaci an dz puluer/thū es in ein solch
glasz/vñ laß es also stehn/biß das puluer alles
zu wasser wirt/darnach setz es in mist auff 3.
wochen/biß es werd als heffen/darnach ver
mach das glasz allenthalb wol mit luto sapie/



und setz in äschen in furno
sublimationis/ vnnnd mach
ein Elain feur darunder auf
drey vr/ ein grösser feur biß
es hert werd/ darnach reyß
es/ vnnnd thū es inn aquam
armoniaci als vor/ das thū
drey mal/ vnd wenn es zum
dritē mal hert wirt/ so nim desselben puluers
ein lot zu ix. lot lune bone so wirts gūt sol.

Ein ander operatio ad solem. Cap. ix.

DOn calce Solis/ wie ich gelert im elviij.
cap. nimß ein thail/ de Mercurio sublis
mato albo vnd firo/ vnd ein thail de sulphure
albo vñ firo/ dz reib alles in lacte virginis/ wie
ich im elviij. cap. gelert/ vñ laß es wol trucken
an der Sonen/ darnach reiß es mit aqua salis
armoniaci/ vñ laß es aber trucken/ dz thū drei
mal/ darnach reyß mit croco martis de attra
mento oder Venere/ vñ laß es trucken/ solchs
thū so lang biß es rot wirt als cynober/ dar
nach laß dz fewle in mist zwölff tag/ darnach
vermache das gläß mit luto/ vñ setz das in ein

S v badhofen

Von rechtem brauch der Alchimet.

bachofen tag vnd nacht/darnach nimß beßel
ben puluer ein tail zū xxx. tail Veneris purga
ti ad Solem/so wirts güt Sol.

Ein ander operatio ad solem..Cap.x.

N In ander operatio ad Solem/ nimß de
calce Solis wie vil du wilt/vnd reib
den mit sale armoniaco/leg in in ein ferolglass
vñ geuß guten weinessig dran/laß es also stā
acht tag in warmem mist/so wirt darauff ein
rot wasser/dann nimß Mercurium sublimas
tum/album vñ fixum so vil als des vorgschrib
nen wassers ist vnd treib dz mit einander/dar
nach laß trucken geuß daran aquam salis Ar
moniacci/reibe es wol auff einem stain vnd laß
es fließen vom stain in ein glass/oder grabe
es in einen mist biß es wider zū rotem wasser
werd/darnach geuß es inn ein glass/vñnd laß
gemach trucken an der Sonne/oder in asche
in furno sublimationis/desselbē puluers nimß
ein thail zū hundert thail Lune calcinate vnd
prepareate ad solem/wie ich im xliij.cap.gelert
so wirt güt Sol.

Ad augmentationem Solis.Cap.xj.

Ein

An ander operatio ad augmentatiōē
 solis/nim den schönste messing den du
 haben magst/mach in glüig/vnd leich in 6.
 mal in kinds harn/da cyn wenig thutian cal-
 cionati innen sey/wie im 17. cap. gelert/dar-
 nach zerlasse den messing wol im feür/vñ wirf
 dann das puluer darauff/nimb sal armoniac
 alain/grün galizenstein aller gleich/dz mach
 zu puluer/vnd temperiers mit eirklar in ein ti-
 gel/vnd setz es auff heiß kohn/rür es durch ein-
 ander biß es alles zu puluer wirt/dz puluer teil
 in drey tail/vñ wirff ye ein tail auff den mes-
 sing/rür es durch einander biß ehs bor brinne
 auff ein vr/so wirffe das ander auch darauff/
 thû jm als vor/vnd dz drittail wirff auch da-
 rauff vñ rürs fast durcheinand biß es bor bren
 darnach thû das puluer mit ein löffel oben
 herab/vnd geuß den messing in vnslit/dauon
 wirdt ehr schön/nimb darnach sal commune
 preparatum/vnnd alls vil eyrkalchs/mische
 die zwey wol mit einander/vnnd thû darzu
 alumen preparatum/thû ehs mitteinander
 inn eyn gläß/grabe ehs in cynen myst/vnnd
 laß ehs stahn zwölff tag/darnach machs
 truckenn inn furno sublimationis biß ehs zu
 puluer

Don rechtem brauch der Alchimie.

puluer werde/des puluers nym̃ ein taylor/auch
als vil Mercurij viui/daz reib mit ein ander/
biß der Mercurius verschwindt vnd sterb/so
thû es aber mit cinander in ein glasz/grab dz
in warmen mist/vñ laß stan 7. tag oder lenger
so findstu Mercuriū coagulatum zû einer mas
sen/das mach zû puluer/vñ würff sein ein teyl
auff drey thail des vorgeschribnen messings/
wen er zerflossen ist/so wirt klar als sol/vñd
weich/darnach zûlaß den selbigen mit gleich
so vil gefeyelten solis/oder alls de calce solis/
vnd wenn die zwey zerflossen sein/so würff eyn
wenig borax darein/vnd wenn der borax ver
reicht/so geiß es miteinander inn vnflit/so ist
es schön sol den niemant vermachen mag.

Ein ander operatio ad Solem. Caprā.

Imb thutian der innwendig rot vñd
gelb sey/oder gemain thutian/den cal
cionier wie gelert im xxiij. cap. vñd thû halb
als vil de atramento rubeo/vicriolo rtubeo/
oder venere rubeo/vñd als vil das ist de cal
ce lune preparato ad solem/das mach zû pul
uer/vñd reib es mit aqua armoniac/ thû es
inn

inn mist/vnnd laß es seülen vier tag/darnach
mach es trucken/reib es aber wie vor/vnd laß
seülen/dz thû drey mal/darnach lege deß pul
uers ein pfundt zû ainem pfundt calcis lune
oder calcis veneris preparati vnnd laß flüssig
werden/vnd thû des puluers ye ein wenig da
rauff/vnd rûr es durchainander biß dz puluer
alles verbrenne vnd verrieche/ darnach geuß es
also hayß in geriben kolen von reben vnd send
es darnach ein vrinn dem wasser/nim sal ar
moniac vnd spangrün/vitriolum rubum cal
cinatum/vnd so vil harns als dero aller/dar
nach brenn es in kolē biß es glü/so ist es güt sol.

Ad Solem. Cap. 13.

Salcis Lune nimb ein tayl/ vñ souil eyer
kalck/s/dise zway reib mit aqua auripi
gmenti/vnnd wenn du es geriben hast / so laß
es trucken in furno sublimationis/vnd reyß es
aber mit aqua auripigmenti / vnd laß es tru
cken/dz thû vier mal/dan laß es wol trucken/
reyß es dann mit aqua armoniac / setz es inn
mist biß es alles zû wasser werde / so seyhe es
durch ein leynen sack in ein glaß / darnach laß
es aber truckenn/ des puluers wirff ain thayl
auff

Von rechtem brauch der Alchimie.

auff xl thayl Veneris purgati ad Solem / so
wirt es güt soll.

Ein güt operatio ad Lunam. Cap. xiiij.

Nimm zehē tails zins / vier tail Mer
curij vini / zerlaß es mit einand ob Eolen /
wan es zergangen / so rürs wol durcheinander
mit cinem eyßen biß es erkalt / so wirts puluer
darnach nim arsenicum album / sulphur albū
sal armoniac / thartarum calcinatum album /
vnd sal gemme / die ding nym̄ aller schwer ge
leich / vnd nim̄ weiß galmis so vil als des ande
ren alles / machs als zū puluer gar klain / vnd
thū es in ein alembicum / sublimiers ein gan
zen tag / zūmorgen was inn dem hüt ist das
nim̄ herauß / vnd behalts / die feces reyb vnder
wert vnd sublimiers als vor / das thū als lang
biß die feces nit mehr riechen auff den glüigen
Eolen / so leg das puluer dz von den fecibus ge
rochen ist / auff ein stain / vñ reibs mit aqua ar
moniac / thū es inn ein glaß inn mist biß es zū
wasser werde / so laß es wider trucken das thū
als lanng biß fließe auff ein blawen plech / so
wirff ein lot desselben puluers auff ein marc
veneris purgati ad Lunam / so wirt es güt Lu
na vnd gerecht.

Wilt du mit der operatiō solem machen / so

nimm das puluer das sublimiert ist mit den fe-
cibus / vnnnd reib das mit croco martis biß es
wol rot werd / darnach ferol es in dem mist als
vor / biß es auff dem plech fließ / so wirff seyn
ein lot auff ein marc^s Saturni purgati oder
veneris purgati ad solem / so wirt es güt Sol
das die Mayster der Kunst beweret haben.

Ein ander operatio ad Lunam / Nimm ein
thayl de calce lune / zwaytayl de mercurio fixo
vñ sublimato / zweytail sulphuris fixi vñ subli-
mati / das reib als mit oleo tartari / oder aqua
Mercurij / vnd laß es dann trucken / das thū
also drey mal / darnach leg es gepuluert in ein
gläß / vñ grab es inn ein mist neijn tag biß es
wasser werd / darnach laß es trucken in furnū
sublimationis / vnd reybe es dann aber mit a-
qua Mercurij oder salis armoniaci / vñ ferole
es aber in dē mist als vor / darnach laß es tru-
ckē tag vñ nacht in ein kalchofen / dan mach
es zū puluer / vñ wirff sein ein lot auf ein pfūd
veneris purgati ad Lunā so wirt es güt luna.

Ein ander operatio ad Lunam / Nymb
zway tayl lune probate / vnd viertayl veneris
purgati ad Lunam / vnd zerlaß die zway mie-
einander / nimm sechs tail arsenici albi vnnnd fixi
mach dz zū puluer / vñ wirff es auff die vorge-

Don rechtem brauch der Alchimey

scribne materi / vnd rür es durch ainander
biß das arsenicum verbren vnd nit mer ryech
so wirff ein wenig gepulueres boraxsteines da
rein / geuß so ist gûts Luna.

Ein ander operatio ad lunam / Nim au
ripigmenti ain tayl / mach dz zu puluer / vnd
nim als vil böck in vnschlit / vnd mische die
zway mit einander in einer eyßnen pfannen /
darnach laß es wol erwallen ob ainem feiur
darnach thûs in ein verglasten hafn / der ein
engen halß hab / vnd vermach den mit luto /
vnd setz in inn ein feur / laß in sieden biß das
vnschlit gar verschwint / darnach nim es auß
dem hafn / thû es inn ein andern hafn als d
erst gewesen / vnd mach ein laug von wayd
äschn / die selbig laug geuß durch leßendig
kalch drey mal / darnach so geiß die selbe laug
an das puluer in dem hafn / vnd lasse es siedē
biß die laug verschwint / so findest in dem ha
fn als der schnee das behalt darnach / nim des
selben puluers ein tayl / zwaytayl gûts Luna /
vnd drey tayl Veneris purgati ad lunam / vñ
ein tayl borax / geuß das miteinander in gûte
er hitz / so wirt es Luna bona.

Ein ander operatio ad Lunam / Nim ar
senicum

senicū album / sulphur album vñd fixum /
Mercurium sublimatum fixum / vñ ayerkalch
aller gleich / mach das zu puluer / vñd legs inn
ein glaß / ferwls in mist biß es wasser werde / so
laß es truckē in furno sublimationis / darnach
reyß es mit aqua alkali / vñd mach es damit
wol feuchte / darnach laß es trucken / vñd reys
aber wie vor / das thū siben mal / vñd laß es
wol trucken / vñd machs zu puluer / so würff
desselbigen puluers ein tayl auff hundert tayl
Veneris purgati / so wirt es gūt Luna.

Ein ander operatio ad Lunam.

Nim ein marck de Luna / vñd sechs lot sa-
lis comunis preparati / das mache feuchte mit
essig / vmbgiß den Lunam damit / vmbbinde
es mit einem leynen tuch / vñd vmbmach das
mit luto sapientie / laß es trucken an der Son-
nen / darnach leg es in ein Bachofen tag vñd
nacht / Darnach nimß es herauß / vñd stoß
es inn eynem möser / wäsch es inn warmem
wasser / vñd laß es trucken / darnach nimß 2.
lot desselbigen puluers / vñd zway lott de sale
preparato / vñd reys es mit eynander zu pul-
uer / darnach nimß vier lot Mercurij vini / thū
ihn inn ain eygel / vñd setz ihn auff Eolen biß

Er

Don rechtem brauch der Alchimey.

er riech/ so würrff des andern puluers daran/
vnd rür es durch eynander/ biß es nicht mehr
rieche/ So geiß es inn ein andern tigel/vnnd
würffe aber des vorgeschribenen puluers da-
rein/vnd rüre es als vor/ das thū vier mal/
Darnach nimß den Mercurium prepara-
tum / das erste puluer de Luna / das dir
vor vberbliß/vnnd halb als vil als der zwier
ist de Venere purgato/ das thū alles inn eyn
leyenen tuch als vor/vnnd vmbmach das mit
luto sapientie/ laß es trucknen / Darnach leg
es in kolen/das die kolen vnden vnnd oben li-
gen/vnnd blase fast zū/ biß es flüssig werde/
Dann ist es güt Luna.

Ein ander operatio ad Lunam.

Nimß sal armoniac vnd sal gemme gleych
vil/vnd blüt von eym rodten menschen halber
als vil/das reyb alles mit eynander/vñ laß es
trucknen/darnach nimß Mercuriū vium/vnd
thū in in ein tigel/setz in in kolen/vnnd laß in
bränen biß er riech/so würrff des vorgeschrib-
nen puluers auff den Mercuriū/ rür es durch
einander ein gütte weyl/darnach geiß in kälte
wasser/das thū zwir oder drey mal/darnach
mach den selben Mercurium zū puluer/vnnd
leg

leg sein ain thayl auff zehen tayl purgati vene-
ris/ so wirt es güt Luna.

Ein ander operatio/ Nim sal armoniac
drey tayl/ arsenici albi drey tail/ Mercurij sub-
limati vñ fixi x. tail/ dz reiß mit einander mit
aqua armoniaci/ vñ laß es trucken/ das thū
als lang biß dz puluer wol weyß werde/ dar-
nach reiß es zwir als lang mit zwir als vil sa-
lis armoniaci/ als des puluers ist/ ferole es in
gläß in einem mist/ vñ laß es also stahn vier
wochē biß es alles wasser werde/ darnach laß
es wol trucken inn Furno sublimationis/ dar-
nach mische desselben puluers ein tayl in hun-
dert thayl Veneris purgati ad Lunam/ oder
Jouis purgati/ so wirt es güt Luna.

Ein ander operatio ad Lunam/ nim 4. loth
arsenici albi/ drey loth galmey/ zway loth ar-
moniaci/ ein loth tartari calcinati/ das reiß
alles mitt güttem essig oder gesigene harn
vñnd seude es wol biß trucken würde/ reiß
aber vñnd seids wie vor/ solches thū also ix.
mal/ laß wol trucken/ darnach nymb vene-
nerem purgatum ad lunam/ zerlaß ob kolen/
vñnd wüßff darauff deß vorgeschribnen pul-
uers ein thayl/ vñd rür es wol biß verbrennet/
G 4 so

Don rechtem brauch der Alchimey.

so wirff des puluers mer darauff / vnnnd rürs
wie vor / soichs thû so lanng biß Venus weyß
werd als Luna / so leg als vil de vera Luna
der weyß sey darzû / vñ schmelz es mit einan-
der / leg ein wenig borax darzû / vnd geiß in ein
eyßnen faß da ein wenig vnschlit innen ist so
wirt es güt luna / die niemāt verwerffen mag
inn aller prob.

Ein anders / Nim Mercurium crudū / vñ
sal commune preparatum gleich / vñ geiß gū-
ten essig daran / laß sieden ein tag / dann nymb
soul sulphur sublimatum album vñ fixum als
des Mercurij ist / die zway reib mit einander /
vñ thû es inn ein verglasten hafen / vermache
den wol mit luto / vnd setze es inn ein hayssen
bachofen eyn tag vnd nacht / so nimb es her-
auß / vnd thû halb soul oder gleich vil de ve-
nere purgato ad lunam darzû / auch ein wenig
borax / den schmelz mit einander / so wirt güt
Luna darauff.

Ein ander operatio ad Lunam / nimb vier
loth sal alkali / wie im xxi. capit. gelert / vnnnd
vier lot salpeter / oder sal nitri / vier lot rodten
galmey / vnnnd vier loth grün gallitzenstain /
das alles zupuluer / vnnnd leg es inn ein ver-
glasten

glasten haben/ vñ vermach in gar wol oben/
vñ setz in in mist 40. tag vnd nacht/darnach
nim es heraus/so ist das puluer wasser wordē
dann nim Mercurij crudi 4. lot/ vñd span-
grün von kupffer gebrant wie ich im 8. Capi-
tel hab geleret/dessen nim auch 4. lot/vñ geüß
das vorgeschriben wasser an die zwey/vnd mi-
sche es ganz wol miteinander/darnach thū es
in ein glas/vñ vermach es wol mit luto/vnd
laß es trucken/darnach setz es in ein windofen
vnd mach erst auff vier vñ ein groß feüwr zū
leest aber ein starck feüwr biß die materi wol
flüssig werd/dan laß es erkalten/so wirt ehs
güt Luna.

Ein ander gütt operatio ad lunam/Vñ
de lapide rebus ein pfundt/ dem stayn haben
die Philosophi manchen namen gebenn/ et-
lich meyster wöllenn ehs sey menschen mist/
etlich es sey menschen blüt/ aber die neüwenn
sprechen/das ehs menschen haar sey/ darauff
bestan alle maister/vnd rot menschen haar ist
ahm bestenn/ darzū nim vier pfundt alkali
wasser/vnd kindtsharm vonn xij. jarenn/das
thū inn ein verglasten haben mit ein halß/
vnd wisse das du das har klain solt schneiden

G iij ch du

Don rechtem brauch der Alchimei.

eh du es inn den hasen thüß/ vñ setz den has
fen auff ein klain feur/ vnd laß in sieden sit
lich mit dem senfften feur/ biß dz wasser haß
einsied/ das besichst du oben wol mit ein holz
das du inn den hasen stößt/ hüt dich vor dem
rauch der auß dem hasen geht/ dann ehr tödt
dich/ vnd wan das wasser halber eingesotten
ist/ so findest du das haar zu wasser wordenn/
laß es erkalten/ vnd seyhe es durch ein leynen
tüch/ die feces so im tüch bleiben die würff
hin/ vñd nimß das durchgesigenn wasser/
vñd distilliers sibenn mal durch ein alem
bicum/ wie ich vor offte geleret/ vñd die fec
ces so beleyben inn dem alembico halt schon/
darnach behalt das wasser welches dauonn
distilliert ist inn ein glas/ darnach nim Mer
curium viuum/ sal preparatum/ vñ gute essig
schid das mitt einander fünff vr/ so wirdt der
Mercurius fein/ darnach nimß eyn verglaß
tes häfelin mit ein langen halß/ darein thū
desselben gesotē mercurij ein pfundt/ vnd thū
hin zu des vorgeschriben wassers ein vierdung
zu viij. lot/ vñd vermach den hasen oben wol
mit luto/ vñd mach dann ein sinwelen ofen
der vñdenn ein loch habe das mahn das feur
hinein

hinein thū / vnd den ofen mach hayß / biß er
glüwig werd / So nim das sewor herauß / vnd
setz den hasen darein mit dem Mercurio / vnd
laß in also stehen vber nacht / Zū morgen nim
den hasen herauß / vnnnd brich in auff / so fin-
dest du den Mercurium etlich vil hárde / so
thū ihn wider inn den hasen / vnnnd thū wie
vor / so findest du den Mercurium aber härter
so geüß aber des wassers als vil daran / vnnnd
setz es inn ofen wie vor / so ist er hárde / fixus
vnnnd gerecht. Wilt du ihn besser machen / so
geüß des ersten wassers aber als vil daran /
vnnnd thū ihm als vor / das thū also fünff mal
so wirdt er güt / Nimb dann desselben Mer-
curij ein tayl auff tausent tayl Martis pur-
gati / vnd schmelz es mit einander / so ist es güt
Luna / nimb desselben eyn thayl zū fünffzig
tayl Iouis purgati vnd calcinati / so wirt bes-
ser Luna darauß / dan der in der erden wächst.
Wilt du aber mit der kunst Solem machen /
So nimb des Mercurij preparati eyn pfund /
vnnnd nimb der feces die du vor behalten hast /
drey loth / vnnnd reybe das vnder eynander
eyn tag mit dem vorigen wasser / leg es dann
inn eyn hasen als vor / vern ach in oben wol /

G ij vnd

Don rechtem brauch der Alchimey.

vnd setze ihn inn den ofen als vor/ biß morgen
nimbs in herauß/ vñ thû aber drey loth de feci-
bus darzü/ vnd acht lot des forderen wassers/
treys es gar wol/ thûs in hafen als vor/ vnd zû
morgen thû es herauß/ vnd nim̄ aber drey lot
de fecibus/ vnd acht lot des wassers/ reibs gar
wol/ vnd thûs in hafen/ das thû also drey oder
vier mal/ darnach nimbs derselben materi ein
tayl/ vnd tausent tayl des fordern Luna/ den
du vor mit der kunst gemacht hast/ die zway
schmelz mit einander/ so wirt es schön rodt/
so nim̄ der selben materi ein tayl/ vñnd xl. tayl
Jouis calcionati/ vnd schmelz es mit cynan-
der/ so wirt es besser Sol/ dann der natürlich
Sol. Vnd wisse/ das die kunst/ jertz gemelt/ ein
stück ist/ wölchs die Philosophi verborgen ha-
ben/ Vñnd von menschen blüt magst du auch
machen Lunam vñ Solem/ in aller weysß wie
ich vor gelert hab von dem haar/ Vñnd wisse
das sanguis menstrualis oder sanguis rubei
colerici aller best zû d kunst ist/ od secundaria.

Operatio ad Solem vnd Lunam. Cap. xv.

In hundert hānen aier/ thû dauon den
dotter/ vñ rüre das weiß gar wol durch
einan-

einander/geüß es in ein ferolglass/vermach es
oben gar wol/vnd setz es in ein warmen roßz-
mist/vnd laß es in dem mist stan 5. tag/vnd
alle tag ein stund thû den mist auff mit einem
Elainen steblin ein Elaine weil/vnd thû jm wi-
der zû/im sechsten tag thû dz glass auff/so fin-
dest du obē ein weyssen schaum auff dem was-
ser/den thû herab an den anderen eyerkalck/
wie vor gelert/vnd rûr es durcheinander/dz
wasser zwen finger dick oben dem kalck steh/
grab es in mist/vñ laß es steen 5. tag/darnach
nim es herauß/vnd geüß mit einander in eyn
verglasten tigel darunder/vñ schneyd ein filz
an ein tayl spitzig vnd Elain/am andern thayl
Greyt/leg den filz auff's wasser mit dem breite
teil/vnd hencke dz spitzig teil herauß/so fließt
das herauß in den tigel/vnd die feces bleyben
in dem becken/laß also fließen biß nit mer flie-
sen will/so geüß das wasser wid an den kalch/
rûr es durcheinander/vnd laß fließenn alle
vor/das thû also lanng biß das du ein wenig
hars inn das wasser stößt/verbrint das haar/
vnd verdirbt im wasser/so ist das wasser sce-
gerecht/verdirbt das haar nicht/so geüß es
wider an die feces/vnd thû jm wie vor/biß dz

G v har

Von rechtem brauch der Alchimie.

har darin verbrennt/ so nimß dann desselben
wasser ein tail/ vnd ein tail de aqua mercurij/
wie ich im 30. cap. gelert/ oder de lacte virgia-
nis/ vñ misch die wasser mit einander darnach
leich cuprum offte in dem wasser so wirt es sil-
beren innen vnd aussen/ das bestatt ewigklich
so seind de Mercurij in dem wasser biß er hert
ist/ des Mercurij nim ein tail/ vnd fünfzig tail
Veneris purgati/ vnd schmelz es mit einan-
der/ so wirt es gut Luna/ oder nim des vorge-
schriben wassers darin der Mercurius gesottē
geuß es in ein glaß/ vñ vermach es wol oben/
vnd setz es in furnum sublimationis/ vñ mach
eyn klein feur darein/ vñ laß es also stehn biß
dz wasser alles verschwindt vñ trucken/ so
nim dan des puluers dz du im glaß findst/ des
nim ein thail zu 12. theilen Veneris purgati/
flöß es miteinander so wirt es gut Luna.

Wilt du mit der kunst Solem machen/ so
nim das wasser welches vom weyßenn der
eyr/ vñ von eyrkalch gemacht ist worden
wie im xxxij. cap. gelert/ vñ nim aquam
auripigmenti/ der nim aller gleich/ thū es in
ein glaß/ vnd laß hert werden in furnum sub-
limationis/ so thū der selben materi ein theyl
zu 12. theyllen Veneris purgati ad Solem so

wirt es güt Sol.



Cap. xvj.

In ein teyl salis pre-
parati/ vnd ein teyl a-
qua sulphuris albi/ vnd fixi/
vnd ein theyl aqua salis ar-
moniaci, vnd ein thail aqua

mercurij sublimati/ oder aque de calce argenti
purgati/ wie im 31. cap. glert/ die wasser geuß
mit einander in ein glaß mit einm langen halß
vñ vermach das gar wol mit gutem luto sa-
pientie/ das nichts danon geriechen mög/ setz
es in äschē in furnum sublimationis/ laß steen
biß die feuchten gar verschwinden/ so nim die
materi herauß/ nim ein teyl Veneris vel Mar-
tis purgati/ so wirt es fein vnd güt Luna.

Operatio ad Lunam/ Nimb zwey theyl
Mercurij purgati/ sublimati/ albi vñd fixi/
vñd ein thail de calce Lune/ wie im neijn-
vnd vierzigsten cap. gelert/ das reys wol auff
eynem steyn mitt aqua salis Armoniaci/ laß
es darnach truckenn/ das thū also sibenn mal
darnach reiß trucken/ leg ehs auffeyn stayn
inn einenn Keller/ vñd laß ehs distillierenn/
vñd

Von rechtem brauch der Alchimes.

vnd was nit fließen wil/das reib aber mit sa-
lis armoniaci wasser/vnd laß fließen alls vor/
vnd wenn es alles zu wasser ist worden so thū
es zusamen in ein alembicum/vnd thū ein stil-
latorium darauff/vnd vermache die fūg mit
luto/vnd setz es in ein kessel/das es entbor hen-
cke oder steh/dz es den kessel nit anrür/vñ ma-
che mit zweyen hölzlin das es nit wage/vnd
geuß den kessel vol wassers/mach ein feur dar-
runder/das der kessel vnd das wasser wol er-
warmen/vnd laß das wasser also alles auß di-
stilliern biß nichts mer auß dem alembico wil
so nim desselben wassers/vñ thū es in ein glaß
vermachs/vnd setz in äschen in furnum subli-
mationis biß das wasser verschwint/so findst
du im glaß ein lauter materi als cristall/des
selben cristall nim ein tayl zu C. teil venere o-
der Martis purgati ad Lunam/so wirt edel
güt Luna. Wilt du aber solem machen mit
der küst/so nim calcem solis für calce lune/vñ
thū inn allen sachen/wie ich jertzund gelert ha-
be de Luna so wirt es güt Sol.

Operatio ad Lunam/Vñ sal commune
preparatum vnd gemalen senff/gütten essig
vnd Mercurium crudum/aller gleich/wasch
vnd

vñ reyß das durch ein ander wol mit der hand
ein lange weyl/darnach nym den Mercuriū/
vñ als vil sal preparatum/alun/reiß es/vñnd
stoß mit einander inn einem mörser/laß dar-
nach trucknen an der sonnen / vñ reyß es aber
mit dem saltz/alaun vñd effig/laß es aber tru-
cken/das thū also drey mal / darnach thū es
inn ein zwoyfach eyßen büchssen / wie gelert im
vj.cap.des ij.büchs/vermach es wol mit luto
vñ henck's in bley / schwefel vñ auripigment/
also dz des pleyß souil sey als der andern zwey/
mach ein feur darunder dz stättig flüssig sey/
laß also stehn ein tag/dann nim es herauß/so
ist der Mercurius hert worden/reiß in wider
mit alun)altz vñ effig/laß es trucken/thū ihn
in die püchssen/thū im in allen sachen als vor
das thū drey mal/so macht sein ein tayl Vene-
ris purgati ad Lunam.

Ein ander operatio von dem selben/ Nym
Mercurium crudum/sulphur crudum/gleich
vñd stoß das miteinander inn einem mörser/
darnach seud es in eyerklar/thū ain lot Iouis
purgati oder Lune bone zu ain pfundt der sel-
bē materi/vñd fleißt es mit einander/so wird
es Luna.

Eyn

Von rechtem brauch der Alchimey.

Ein ander kunst vom selben/ Nim güttent
essig/aquam salis preparati/atrament/auri-
pigmenti/vnd Mercurium crudū aller gleich
vñ mische das wol durch einander/vnd laß es
stehn zehen tag / darnach laß es trucken an d
sonnen/thū es in ein püchs/wie angezeygt/in
bley operiment/schwefel/vñ thū jm in allen
sachenn/wie angezeygt/das thū drey mal/so
wirt der Mercurius gütt Luna inn allen sa-
chen/am gewicht/am thon/am hämern vnd
Brennen. Wilt du gern Lunam augmentierē/
so thū als vil de vera luna darzū/vñnd mysch
dann der selben materi ein tayl zū rlein thail
Veneris purgati ad lunam / Die kunst haben
die mayster von India operiert.

Ein andre kunst von dem selben / Nymb
gepuluert sulphur zway thayl / gepuluert ar-
senicum album / zway teyl mercurij viui/vier
teyl aqua salis preparati/vnd ein theyl geys-
milch/ein teyl menschen oder trucken blüt/dz
thū in ein verglasten hafen/vnd laß es siedē
ein tag mit einander/so wirt es hert / darnach
thū es in ein büchssen/wie vor gelert / hencf s
in bley/sulphur vnd operiment ein tag / dar-
nach nymb es herauß / so ist es gütt Luna inn
allen sachen.

Ein ander ler von dem selbigen/nim Mercuriū viuum/vñ thū jn in ein tigel/mach den wol heysß biß er riech/darnach lesch jn in eym feuchten menschen blüt/dz thū sibem mal/so wirt er hert/darnach laß jhn sieden ein vr inn eyerklar/so wirt es güt Luna. Oder nim mercuriū viuu/vñ leg jn in menstruu sanguinem/thū als vil saffts von den roten Kornblumen darzu/vñ eins puluers von euphorbio/leg darein den mercurium/laß jn darinn ligen drey tag oder lenger/so wirt er hert dz man hämmeren mög/vñ nützen als rechten Lunam/vnd alle geschmeyd die sich nit gern wöllen lassen hämmerē/die leg auch darein/so werdē sy waich vñ güt/auch wirt all edel gesteyn waych das man es schneyden mög/so mans darein legt.

Wie man Solem machen soll. Cap. xvij.

Archilaus ein berühmter Mayster inn Alchimia der lert Solem machen also. Zum ersten leret er calcem marinū machen/dz heisß mā auch calcem marinum peregrinorū den mach also/nim die beyn von grossen fischen oren oder zeenen/die im meer gon/od vō andn grossen fischen die weiß beyn habē/od nim die muscheln

Don rechtem brauch der Alchimeti

muschlen welche die bilgram an den hütten
tragen/auß den Baynen brenn kalch / wie vor
gelert von den eyerschalen/vnd wenn es weyß
wirt wie eyr kalch/so ist es gerecht / so ist ehs
calx peregrinorum alba. Wilt du in aber rode
machen/so nim cracken blüt/das ist rot safft
aines krauts/dz findet man inn der Apotek/
das blüt zerreib mit rotem effig der von roten
margrams öpfeln gemacht sey von dem safft
der kernlin/setz in an die Sonne in ein glasß biß
es gut effig werde/mit dem effig zertreib das
selb cracken blüt/also das des blüts zwir so vil
sey als des effigs / mit dem wasser reyb dann
den vorgeschriben calx/vnd laß in trucken/dz
thû so lang biß der kalch rot wirdt / so ist calx
peregrinorum rubea/oder calx marina rubea.

Don atramenti. Cap. 18.

Quam atramenti solt du also machen
nimb atramentum crudum uel rubeum
das mach zu puluer / darnach nimb kinds
harn von zwölff jaren/den send wol/fayme in
wol/vnd seyhe in durch ein filz/darnach reiß
damit atrament/ vnd laß es fließen von dem
steyn/wie ich offte gelert hab/das thû als lāg
biß

Biß das atramēt als zū wasser wirt/ darnach
thū als vil armoniacum darein als des atramē-
tēt ist/ vñ laß es mit einand stehn in eim m-
se Biß alles wasser wirt/ so ist's aqua atrament.

Ein wasser aqua lilij. Cap. xix.

Aqua lilij oder aqua auripigmenti wirt
also gemacht/ nim̄ auripigmenti zwey
tayl/ vnd ein tayl welsch weyß glaz/ vñnd ein
tayl sal armoniac / dz reyß alles zū puluer auf
einem steyn/ vnd laß es ab fließen wie vor Biß
es alles zū wasser werd/ dann ist's güt.

Cap. xx.

Myster Archilaus lert Solim also ma-
chen/ nim̄ Mercurij vini drey p unnd
ein pfund atramenti crudi/ mach das zū pul-
uer/ geuß daran aque preparate zwey pfund/
vñ ein pfund aluminis jemeni / das mißch al-
les durch einander Biß ein ding wirt/ setz es an
die sonne Biß der mercurius sterb/ vnd zū was-
ser werd/ so thū in inn ein zweysache blüchsen/
wie vor gelert/ vñ vermach sy mit luto sapien-
tie/ vnd hencß in inn bley sulphur / arse-
nicum album oder auripigment/ vñnd laß also stehn
ein tag an stätiger hüz / darnach nim̄ es her-
aus/ so findestu den Mercurium coagulatum
vnd

Von rechtem brauch der Alchimey.

Vñ hert/den reyb mit dē vorigen wasser / daa-
trament vñ alim in zergangen/vñ wenn du in
damit geribē hast/so laß in trucken/vñ thū in
aber in dē pley dz thū drey mal / zūm vierdten
mal reib ihn aber mit dem fordern wasser gar
wol/thū es inn ein glasz / vñ ferle inn mist v.
tag/darnach laß es trucken in furno in aschen
so nim̃ sein ein tayl zū c.tayl saturni purgati/
so wirt gūt sol darauß.

Primum Elixir.

Nim̃ dañ des vorgeschribnen puluers elixir
ein thayl/vnd zway thayl de calce ruβea pere-
grinorum/wie vor glert im xvij.ca. diß büchs
die zway reybe wol mit einannder mitt aqua
Mercurij/wie gelert im xxx.cap. vnd thū als
des fordern darzū wann du es geriben hast/ so
laß es trucken/ vnd reybe aber mit den forderē
wasser/dz thū iij.mal/darnach seile es/wie vor
so nim̃ sein ein tail zū cc.taylen/so wirdts das
best so das man aufferden finden mag.

Secundum Elixir.

Darnach nim̃ eyer kalck vonn hennen eyern
gemacht/vñ calcē lune gleich vil / die reib mit
aqua auripigmenti/vñ laß trucken inn furno
sublimationis/dennach reibs mit wasser ar-

moniac/vñ feils im mist drey tag vñ seyhe es
durch ein leinē tūch/laß aber trucken wie vor/
so macht dasselbig elixir pl.thayl Veneris pur
gati ad solem.

Tertium Elixir.

Nim desselben elixir ein tayl/vnd souil eyer
kalck/der von pfawen eyern gebraucht sey/vnd
reyb die zway aber mit aqua auripigmeti wie
vor/dz thū also r.mal/vñ laß es aber trucken/
darnach reib aber mit aqua salis communis
preparati/feül es in mist tag vñ nacht/laß es
aber trucken wie vor/so macht des elixirs eyn
theyl Solem.

Quartum Elixir.

Nim dan das erst elixir dz vñ mercurio ist
worden/vñ dz ander welchs von hennen eyer
kalck ist worden/vñ das 3.elixir welches von
pfawen eyer kalck ist wordē/die drey elixir reib
mit einander mit essig vonn margram opffel
gemacht wie vorgelert/mit dem reib sy 3.mal
darnach laß sy trucken/reib sy aber mit aqua
armoniac/vñ feül sy in mist biß es alles wass.
werd/so laß es aber trucken/desselben elixir
ein tayl wandlet 13.thayl saturni purgati ad
Solem in gut solem osium.

• 4 • Jene

Don rechtem brauch der Alchimey.

Item darnach nim die 4. elixir also prepariert
vnd so vil de calce rubea peregrinorum / reiß es
mit einander wol mit aqua atramenti / vñ laß
es trucken / das thū drey mal / darnach reiß es
aber mit croco martis / vñ feül es im mist tag
vñ nacht / darnach mach es trucken in furno
sublimationis inn äschen wie vor / so wandlet
desselben elixirs ein teyl zū tausent teyl Saturni /
calcinati / purgati / vñ in solem solidā mas-
sam redacti / mit Gotes hilff in den besten so-
lem das auff erden ist / vñ diß ist dz höchste eli-
xir das ich wissen mag inn aller kunst.

Rolendus vom gold machen. Cap. xxi.

Rolendus lert Solem also machen / vnd
ließ die kunst mit jm begraben / dann er
sy niemant lernen wolt / biß man sy inn dem
grab beschriben fand / also nim äschen vñ geüß
daran ein leinöl / seüß es mit einander biß dz öl
einsied / so wäsche es mit essig / vñ laß es truck
darnach nim aurum purgatū / zerlaß dz wol
vñ wirff dann bley äschen ain wenig / darein /
rür es durch einander / so wirdt es puluer / das
wäsch mit wasser / laß es truckē vñ reiß es aber
mit aqua armoniac / das thū so lanng biß der
calx Solis des wassers so vil inn sich truckt
biß

bis er zwir als schwer wirt als er wz/darnach
 leg es in ferolglasz/setz es in mist >.tag/vnnd
 geuß in das glasz starcken effig von margram
 öpffel/vnd von rotem gute wein/also der calx
 vñ der wein wenig werde/vñ laß es also stan
 >.tag/so wirt es rot wasser/mit dē selben was
 ser reyß Mercurium albu sublimatu vnd firu
 bis er rot wirt wie cynober/darnach ferol ihn
 aber in effig im mist bis er zu wasser werde/so
 mach in trucken in aschen inn furno sublima
 tionis desselben elixier ein theil/wandelt zehen
 teil Lune in aurum optimum.

Ein ander operatio ad Solem
 bonum. Cap xij.

NIm fünff lott weiß welsch glasz/fünff
 lot gelbs glasz/das auß bley gemacht
 ist/als die gelbenn gleslin ringlin/die zway
 mach zu kleinem puluer/vnnd nimb dann
 zehen pley aschen der gepuetelet sey/vñ thu
 alles zu einander in ein tigel/vnd setz es in eyn
 ofen da man glasz inn brennet bis es alles wol
 flüssig werd/so wirff darein xij loth mercurij
 vini/rür es durch einander vñ laß es wol erkäl
 ten/darnach geuß es anderwert/vnd geuß in
 sechs teil/vñ laß erkalten/das mach zu puluer
 3 ij dar

Don rechtem brauch der Alchimey:

darnach nim̃ Saturnum purgatum/ vñnd
bring in in solidam massam/ vñd schlag dar-
auß dünne blech/ darnach nim̃ auripigment/
vñd reiß mit eyerklar/ bestreich das blech da-
mit/ heb sie wol zum feur biß sie wol trucken
vñnd laß es haiß werden/ darnach laß es er-
kalten/ leg es dan in effig biß das auripigm̃ ent-
wol feuchte werde/ darnach thū sie aber zu den
kolen biß sie heiß werdenn/ lasse sie erkaltenn/
vñnd lege sie aber inn den effig/ biß sie feuchte
werdenn/ das thū also zehenn mal/ so wasche
sie mit dem effig/ seind sie mit rot genug so be-
streich sie wie vor mit ein newen auripig-
ment/ vñd thū in in allen sachen wie vor/ das
thū so lang biß die blech innen vñ aussen gelb
werden/ darnach zerlaß sie ob kolen biß wol
flüssig werde/ dann wirff darein des vorge-
schribnen puluers/ rür es durch einander/ vñ
geuß es/ vñnd zerlaß ihn aber wie vor/ wirffe
des puluers aber darein vñnd lasse es mit eins
ander brennen/ so wirdt es herdt alls sol/ dar-
nach geuß mit arsenico citrino sublimato vñd
firo/ das thū so lang biß am gießen gütt rote
fein sol wirt.

Cap. xxiij.

Seyffen

Seyffen gold solt du also machen/nimb
 ein pret das xviij schüch lang sey/vnd 4.
 schüch breit/in das pret mache vil grüben als
 linthalben als ein steyg/vnnd setz es vber das
 wasser auff zwen trispitz also/dz es an e'm end
 ein wenig vnder sich hang darnach schüt das
 grieff in dem wasser darauf der sandherab fließ
 se/vnd schüt das grieff aber darauff/darauff
 aber wasser/dz thû ein ganzen tag/zû nacht
 nim dz grieff dē du in grüben findst/thû dz ze
 samē in ein grossen napff/thû quecksilber dar
 zû/geuß wasser daran/vñ rürs durcheinander
 wol/laß es gewallen/vnd geuß dan dz wasser
 darab dz thû so lang biß das wasser klar wer
 de/so laß stehn vber nacht/zû morgen findstu
 das goldt mitt dem quecksilber am grunde/
 das breñ miteinander zû recht/so wirt es das
 best gold das von natur werden mag.

Wie man goldt von kupffer schayden soll. Cap. xxviij.

Nim du goldt von silber schayden/so
 nim des rotten puluers das von kupf
 fer gebrant sey zwölff theyl/vnd ein thail des
 puluers von menschen blüt/vnnd ein thail
 sal armoniac oder sal preparati/vnnd eyn
 thail

3 üü thail

Von rechtem brauch der Alchimey:

theil heit n sche ziegel den die goldtschmied ha-
ben/reiß es als mit einander/vnd thû es in ein
verglastet vass/dz sey als zwey decke vber ein-
ander gefelzt/vnd am obern deck soll sein ein
thörlin mit ein saltz als groß das ein eyßen löf-
fel darein gehör/vnd die becken sollen auff ein
seyten geneygt sein vnd vnden ein rör haben/
vñ mach ein ofen der nach dem becken gneigt
sey auff ein ort/vñ die vnd beck soll klein steig-
lin haben/das puluer herab nit zûsamen reyse
vñ mach von ersten ein klein feür in den ofen/
vñ je lenger je grösser biß er wol erhitz/so rüre
dz puluer mit ein eisen scheißelin durcheinan-
der/vnd thû das thörlin oben wider zû vñ
je vber ein weil rür es durcheinander/so fließt
das goldt zû tal in die rören/so setz ein tigel vn-
der in ein glüt/dz thû so lang biß nimmer fließen
wil/so hab 9. tigel die glüent seind/vñ geiß dz
gold je von ein in den andern/dann geiß ab
vnd laß erkalten.

Wie man Solem von Luna schayden
soll. Cap. xxv.

Nilt du Solem von Luna schayden/so
nim aquam fortem/geiß inn ein glass
mit ein langen hals/vñ setz es in furnum sub
lima

mationis inn äschen/vnd mach zum ersten
 ein klein feur darunder/vnd was du scheiden
 wilt/das schneid klain/wirff es inn das glaß/
 vnd setz dann ein stillatorium darauff/vnnd
 laß das wasser wider dauon distillieren/vnnd
 wann es nimer fließen will/so laß das glaß er
 kalten/vnd nim es auß den äschen/so findestu
 das gold vnden am boden als bierheffen vnd
 das silber hangt neben am glaß wie cristall/
 so brüch das glaß/thû yegklichs besonder vñ
 brenne es/vnd thû ein wenig borax darzü/vñ
 geiß es so wirt yegklichs besonder der gerecht
 vñ güt gold/vñ das ander güt Sylber.

Item ein ander ler schaidē silber vonn gold
 Nim silber vnd gold mit einander vermische
 vñ laß wol zerfließen/dann hab ein verglastē
 tigel da gepulvert schwefel innen sey/vñ send
 das silber darinn/so scheidt sich das gold auff
 ein tail/vnd das silber auff ein ander tail.

Gilberti Cardinalis

Kunst aller metall'zū soluiern.

Nimb ein pfund alumin's plumosi / eyn
 pfundt vitril/ ein pfundt salpeter/pul
 vers

Von soluiierung der metal/



uers wol Eleyen/ thüs in ein glaß/ setz darauff
ein gläsinen Kolbē/ vñ leibe die fügē wol mit lu-
to sapientie/ welchs gmacht wirt von ein tayl
starck hasen erden/ 2. teil wo geraden äschen/
vñ ein teil sands/ mit ein wenig wassers wol
zusamen temperiert als ain taig/ Das schmier
daran/ vñ laß wol truckē/ eh mans zū feür setz
Distilliers also mit kleinē feür biß das erst was-
ser gar auß ist/ das ist/ so das wasser anfacht
gelb sein/ also das es ferbt/ dasselbig empfach
in ein sunder geschirz. So aber die gilb inn eyn
rötte verkeret wirt/ so kompt das aller starckst
wasser/ das empfach auch inn ein sunder ge-

Schir/vñ wart mit allem fleiß dz es stercklich
geleütet sey/laß stehn biß alles distilliert ist.
Diß letst muß sein mit ein güten starcken feur
dan hastu dz recht wasser/dz all ding soluiert.
Verstopff es wol/das kein geruch noch krafft
darvon möge/Man mags in ein dicken star
cken glas zwon tag behalten.

Wilt du des zwey thail stercker machen/
Nim ein tail vicetrium viride/ ein tail salpe
ter/ein theil Thutie/vnd puluerisiers vñ distil
liers wie obstat. Es hat vnsäglich krafft.

Sylber zu soluiern.

Das letst wasser dauon jetzt gesagt ist/nim
so bald distilliert ist/ setz auff heysse asche/das
es zimlich warm sey/darein wirff geschlagen
oder gefeilt silber/dz soluiert sich von standan
in klar wasser/Laß also das vierteil veruechen
vnd enapouirn. In einer vntzwasser/magst du
ein vntz silber soluiern/das muß wol fein sein/
vñ ferbt dißwasser schwarz. Quecksilber wirt
eben solcher massen dissoluiert/ In einer vntz
wasser magstu 4. vntz quecksilber soluiern.
Diß wasser ferbt schön gelb.

Dise also soluierte wasser/zü coagulieren/thu
zesamen in ein starck geschir/laß ein weil auff
heysser

Von soluiierung aller Metall/

haysfer äschen sich incorporieren/dann setz an ein warme stat in schattē/da coagnliert sichs zu eym hardten stain.

Diesen zūsoluieren vnd wider zū coagulieren/ thū in in ein starck glass mit ein langen halß/ setz in so heissen roßmiste/dz man kau ein hand darin leiden mag/den soll mahn all 6. tag erneuen/so wirt er in 6. wochen zū lauterē was ser/darnach setz in wid ein/wie ob stat/so hast du lepidē Philosophum daran die kunst ligt.

Dise medicin auff queck silber zūwerffen/ in ein kreußlin thū lxx. vntzen Queck silbers/setze in in ein ofen/blaß ein wenig zū dz queck silber heiß werd/als dann wirff ein vntz von disem stain drauff/so schmilts als buter/durchlauff alleglieder des queck silbers/bringest in fein silber/dz in allen proben bestat. Biß milt vñ gib dē armen. Merck/so daz queck silber begint zū dünne/nach dē diser stein puluerisiert/darauf geworffen ist/vñ dz queck silber durchgangen hat/dan mer dein feyr vñ sos fließt wie silber dz man semet/so blaß zū biß noch eins begint zū lauffen/vñ klar wirt als ein spiegel/so gehß auffo feyr vnd queck silber gūten klaren wein leich damit ab so hast du rechte silber.

Sylber

Sylber von schwefel zůbringen.

Nim zůr marcß ij. lot kupffer/vñ xvj. lot pley
setz es auf ein dest/treibs wie silber/setz erstlich
vñ kupffer ein lot auf dē dest/vñ dan dz silber.

Dacatē gold von postulatg güldin zůmachen.

Ein tail salpeter/ein tail alun/reib zůsamē/
nim ij. teyl gmair saltz/reibs als zůsamē/rürs
wol durch einand/thū ebē souil rötelstein dar
und/rürs aber/feuchte es mit harn/dz gold setz
darein ins Cemēt vij. stund / so hastu güt du
caten gold.

Gold vom vergulten kupffer schayden.

Salnitri/borax/gleich vil / reib vnd zerlass
inn wasser / im selben lesch das kupffer ab ge
glüet/so fällt das gold zů grund.

Alle Metall zůschayden.

Nim drey vntzen salpeter/und. 3. schmelz
glas/od schmolz von glas/ein vntz sal armo
niac/ein vntz boris/stoß klein zůsamen tempe
rics mit eyrkler od weysen wein zů tagg/da
rab mach kügl n/trückne die am luffe oder in
ein ofen/puluers darnach wider. Wz substanz
du dan hast/dauō du etwz bringen wilt/Nim
dern 2. tayl/vñ ein thayl dises puluers / setz zů
gleich

Don soluiierung aller Metall.

Gleich in ein Ereißlin in ein feür / laß von ihm
selbst wolerglüen / darnach blaß zu wann es
schmilzt / so es geschmolzen vñ verent ist / so
geuß auß. Wolt sich aber nit vereinen / so nim
noch ein tayl von puluer thüs inn Ereißlein /
rür es mit ein stecklin vmb / so schaidt sichs.

Blaych goldt ferben.

Sal armōiac / Kupffer rosen / jedes ein quint.
reybs Eleyen / vñ setz es inn ein tigel auff hayße
kolen / Wans zůschmelzen begindt / wirff das
Bleych gold darein / mengs mit einem hölzlin
hin vñ her biß schwarz wirt / dan nim auß /
vñ wirffs gold in harn / bürst auß / Were dz
gold noch nit gefert / wirff gemelter materi
noch ein wenig zů der andn in tigel hādel wie
vor / was vber bleibt behalt zůr noturfft.

Alle Erz flüssig machen.

Nim zwey lot gmain saltz / ein theyl wein
steyn / reibs wol zůsamen / vñnd nim des pul
uers so vil des ärztes ist.

Die Planeten darunder gūt oder böß im feror wercken.

Wann der Mon ist im Wider / Löwen /
Schützen / Ochsen / Steinbock vñ juncfraw
wen / ist gūt im feror fixieren / vñ distillieren.
Im Wider vñ im Löwen ist gūt gold wir

ffen. Böß im Wasserman vñ Wagen.

Im Ochsen vñnd Krebs ist güt mit silber
wercken. Böß im Scorpion vñ Steynbock.

Im Steynbock Wagen vñ Wasserman/ist
güt mit bley werckē/böß im wider vñ Löwe.

Im Krebs/ Fischen vñd Schützen ist güt
mit zinn wercken / böß in der jungk. vñ Wider.

In der Jungk. vñ Zwillingen/ist güt wer-
cken mit quecksilber/böß in Fische vñ schützen

Von Polierung aller hand edel gestayn.

S Erworstayn gepuluert/damit poliert mā
alle harte steyn/als Berillen.

Rubin od Ballas zu poliern/bren ein Ame-
thiste zwischen zweie tiglē / zerreyb dē auf ein
stein/bren in noch eynest/so wirt er güt zu al-
len waychen staynen.

Reinē Pumiß bren auf ein stayn / so wirt er
güt zu alle süssen staynē / vñ die müstu poliern
auf ein böckē leb / od auff ein birbäumē bret.
Rubin solt du schleyffen auf bley mit schmiril
dan soll man in poliern auf eym kupffer / mit
schwarzē feürsteyn/wol gebrant vñ geriben.

Smaragd soll man außwēdig poliern auff
dē roz mit reinē wasser/mā mag in auch polirē
auf birbäumē holz/mit farben vñ Trippel/vñ
auff dem roz/so gewynit er seynē lautern glāz.

Don Polierung der Metall.

Verill soll man polirn auff weyssem leber/
mit perlen müter d wol gebrent vñ geribē sey.

Ballis poliert man mit Marcasit. das ist
goldartz/vñ mit lein öl/ das thū auff kupffer
Es macht einen rechten glantz/mit perle mü
ter/d wol gebrent ist/vñ mit lauterē wasser ge
ribē auf weissem led/so wirts so schön. Saphir
polir mit schwarzē feyr stein auf kupffer mit
lauterm wasser.

Topsien polier mit trippel farben der wol
geriben sey das thū auff zyn.

Amethisten polir auff zyn/oder birbaumen
holz/mit gebranten feyrstein.

Türckes polier als den Schmaragd.

Korniol/Roman/Onichilū/Agat/Chalo
cidonien/Jaspis/soll mā polieren auf zin mit
trippelcarb/od feyrstein auff birbāmen holz.

Cristal polier mit gebrantem Christal vñ
linden holz/mit trippel farben.

Turquillis schleiff auff ein wettesteyn.

Zyn starck wasser dz eyssen schmelzt.

Sal armoniac/rot auripigment/gel kupffer/
rot vñ spanguin/stoß sampt zu puluer/disti
liers durch ein glasz wol mit leyden verlutiere
mit einem kleinen feyr/Dz erst wasser verbrenne
dam

dan dupel dz feür/vñ wān dz glaß rot wirt em
pfahē vñ bhalt dz and in einē glesin gschir wol
vstopffē/ dan es vñert vñ durchetzt alles eisen.
Ein bewerdē wasser das alle Metall durch
schmelzt in einer stund.

Sal alkali/ sal cōmune / sal niter / alaun vñ
olkane/ alles schmelzt in wasser/ thū darein vi
triolū Romanū/ vñ vnglescht kalck/ distilliers
durch ein alembicum drey mal/ wid zū bringē
auff seine feces.

¶ Ein wunderbar starck wasser viler kräfte.

Vitriolū Romanū ein pfūd sal nitri 6. vntz
Zinober 3. vntz od ein halb pfund. Od vitrio
lū Romanū/ sal nitri/ jedes ein pfūd/ alaū ro
te 4. vntz/ des distillier mā zūsamē in ein Kolbē.

¶ Oder vitriolū Rō. salniter/ yedes ein pfūd.
Zinober 4. vntz/ sal armoniac/ ii. vntz/ ein vntz
auripigmēt/ Des wasser verschmelzt auf stūd
queck silber/ macht gold so weich dz mā es auß
dē fedn schreibē mag. Schmelzt cynober oder
ander metal darein gelegt. Beist durch cysen/
Leg es ein pferdt auff die haut / so felt dz har
auß/ vñ wirt weiß har da. Dz wasser vñ gmet
wasser gehō/ vñ dz haupt damit gewaschen/

3 macht/

Ein kurzer bericht.

macht har als ob es vergült were. Beist alles
faul giftigs flaisch auß/ als alt schäden vñ fi-
steln. Bims schmilzt darin/ Luscht alle schrift
auß papir vnd pergamen.

Spangrün/ darin mit reissen raynen kalc
gesotten/ wirt Lasur von Alcmarien.

Legt man darein eyser feyl span / vnd ges
brent artz es wirt Zinober.

Von den giftigen bösen dämpffen vnnnd räuchen
der Metall / wie man sich dabey haltenn/ vnnnd der
gift vertreibenn soll.

Ein kurzer bericht
an gemayne goldschmid.

Von Kolfewren.

Der selbig rauch oder dampff ist giftig
vñ sonderlich so die Kolen etwas feucht
sein/ wann diser dampff beschwert dz haupt vñ
auch brust/ nemlich so einer lang da bey ist/ vñ
man zu lang dabey verhart/ so wirt betrübt dz
gesicht/ also dz einen bedunckt es sey grün vnd
blaw vñ dergleichen vor seinen augen/ oder flie-
gen im luffe. Diser dampff macht auch schwer
vnnatürlich schlaff/ vñ zu zeytten schwer glia-
der/ vnnnd so man lang dabey ist / so lumbt er/
Darumb brauchene nit vil feuchter kolē/ laßt
sye an ain freyen lufft wol an brennen. Zu
winter

Wie man böse dampff vermeiden soll. 59

Winter zeit so jr Kolfewr inn der werckstat habent/so beschliessen die fenster nit/vnd bewarent euch vor disem dampff.

Die geschriffte zaigt an das ganz giftig vñ tödlich ist/in ein beschlossenen gemach bey disem Koldampff lang wonen vñ schlaffen. So jr die Kolfewr brauchen wollen/vñ vor in freiem luffte angezint vñ auffgeblasen sey/so leget weissen weyrauch darein/oder sprengt ein wenig weins darauff/so wirdt die gift vñ schad des dampffs gemindert.

Von dem dampff des Quecksilbers/ Bleiß/ vñ andern metal damit die Goldschmid gewonlich umbgehn.

Die geschriffte d arznei helt/dz d dampf eines jeden behalt die natur/complexion vñ krafft seines corpus dauon es außgehet. Also machet gewonlich die Apoteccker gebrant wasser die warmer natur seynd/so sie nemen warm kreutter/vnd von kalten kreutern brennen sie kalt wasser/ Also ist auch d rauch oder dampff eines yeden metalls/ behelt dye complexion natur vñ krafft des metalls dauon er außgehet. Vñ ist offt der dampf oder rauch mer stercker/krafftiger/vnd schärpfer dann jhr mineral/metall oder corpus/also

J g man

Ein kurtzer bericht/

man scheinbarlich sieht/so man aquam fortē
sublimiert/ auch so man gebrantē wein distil-
liert/da ist der dampff vil stercker dan der sal
armoniac/alaun ꝛc. od̄ auch der wein von dem
gebrant wein gemacht wirt/darumb so haist
vnd nent man dise dampff Spiritus/daz sein
gaist/wan sie durch jr schärpff stercke vñ sub-
tiligkait mer durchdringen vñ vil stercker wir-
cken dann jr corpus/darauff sie gezogen seind.

Nun ist offenbar in der gschrift der natur
das Quecksilber hoch kalt vnd fast feucht ist
in seiner complexion vnd Wirkung/auch das
bley kalt vnd feucht ist/dergleichen silber kal-
ter natur ist/dergleichen Glet vñnd Spieß-
glas kalt seyn. Darum der yetz genanten me-
tal rauch den menschen der darmit vmbgeht
fast keltet/darumb so man silber arbeitet mit
pley/oder verguldet/so soll man sich vor dem
dampff vnd rauch so fast man kan hütten/
wann er ist giftig/Wöcht man das in freiem
lufft thun/vnd in keinem beschloss genach/
so wer es gut/Stets soll man den mund da-
von heben oder verbinden/ Der dampff vom
Quecksilber/silber vnd pley/heist vnd ist ein
kalt gifte/wann er machet beschwerung vnd
enge

57
Wie man böse dämpff vermeiden soll 60

enge der brust/beschwert die glider vnd leimē
die zūzeiten/roie man mit grossen häuffen vñ
geht/vnd werden dauon beschwert die edelen
innwendig glider.

Wie man den schaden diser dämpff soll min-
dern vnd wenden.

So man abstreyben oder vergulden will/
so hab er bisam bey jm/daran sol mā vil
vñ oft schmeckē/dan des bisams rauch durch
sein wörm nider truckt/die kelt des rauchs vñ
silber/pleyvñ quecksilber. Itē der bisem durch
eigenschafft die er hat zū stercken der edle glied
des hertzen vñ hirns/weretvñ mindt den scha-
dē/vñ dāpf des pleiß vñ quecksilbers/also dz d
selb dāpf euch nit also schaden kan noch mag.

Item die zeit so jr goldschmid bey dem vor-
gmelte rauch wonent/so haltet im mund der
nachgeschriben stuck/welchs jr wöllen/vñd
kiffent daran/so wirt aber durch krafft diser
stuck corrigiert vñd gemindert die giffung
des dämpffs/den jr mit dem lufft eruern athē
in euch ziehet/also das der selb dampf euch nit
also schaden bringen kan/als ob jr die stuck/or-
der jr gleich nit im mund hielten. Vñd seind
diß die stuck/weckholterber/raucē/diptamus

J iij das

Ein furzger bericht/

Dz ist ein holweißwurtz/tormētil/ alantwurtz
zitwen/vnd Citronsam. Vil annder stück lo-
bent die grundärzt wider diß giffstig dāmpff
Aber dise vorgschriben 7 stück/scind auch güt
vñ gnüg auch gemain/das jr vnd ein jeder sie
wol vberkömē kan vñ klain gelt/Etlich le-
rer in der artzney loben gar fast den smaragd/
den selben soll man auch im mund behalten/
wan er widerstat der giffstung diß dāmpffs.

Auch wo ewr ainer inn vergülden oder ab-
treiben/vil der dāmpff inn sich gezogen hett/
dadurch er beschweren entpfunde oder schas-
den forcht/so soll er am nechsten tag hernach
nüchtern am bet erschwizen/vnd da nemen
ein gūten alten Triar/als ein groß haselnuß/
mit rautenwasser oder eerenpreißwasser/ oder
wein/so wirdt die gysstung von ihm getriben
die in ihn kömē ist im arbeiten oder vergul-
den/Auch nach dem abtreiben oder vergul-
den/wermüt wein trincken/wann durch wer-
me vnd hig des wermütes wirdt nidergetrus-
cket die keltung vonn den benanten dāmpf-
fen/darzu hat wermüt krafft/das sie wider-
steht der giffstung. Vnd welcher inn seynem
Feler kein wermütwein hatt/mag ihn inn ey-
nem

Wie man böse dämpff machen soll. 60

nem tag oder 12. stunden also machenn/ so er
wermüt inn den wein sencket / Ob aber einer
im bet erschwitzen möchte/ so soll er mit lerem
magen in die batstuben gan / vnd den Tirax/
wie ich vor gelernt genossen haben.

Vor den dämpffenn aque fortis/ die seynd
warm/hitzig vñ fast scharpf/vñ vor dē dämpf
fen der gelet vñ spießglas/ die da kalter natur
seind/solt jr euch sonderlich wol hüten vñ hal
ten/wie oben vom pley vñ quecksilber geschri
ben ist. Auch sagē etlich man soll vor vñ nach
Knobloch essen für solliche giffteige dämpff.

Vor den dämpffen des spangrüns / salpe
ters/vnnd sal armoniac/hüten euch fast wol
vor/wenn jr das blaych gold ferben/dann di
se dämpff seind seer hitzig/scharpff vnnd giff
tig / Zu corrigieren vnnd mindern ihre giff
gung / solt du ein halbs quintlin Boli arme
ni mit wein vnd rosenwasser gemische
trincken/Damit spar vns Gott
alle gesunde/Amen.

Getruckt zu Augspurg durch Heynrich
Steyner im XLVI. Jar.

